



सानसेयारि 'बड'सा' खरीरालाइयाव समाज्यादि जिज्जो लोखा थाबाय रायथाय, रान्थाय, बाल, बलबाथा आरु दावबायारि थावनि, पार्क बाइदिबि स्यायाव लिन्नाय लिन्बिबां हैथाय ठर/ सानसेयारि 'बड'सा' खरीरालाइया सेबरानाबै फोसावगोन।  
बड'स्यायाव लिन्हर्नायनि हुबा खालाम, 'बड'सा' खरी नोथो, जो बयबो आंगो खालाम।

सानसेयारि बड'सा मावखुनि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Sunday ★ 15 September, 2024 Kokrajhar, BTC, Assam ★ Vol.- 34, Issue No.171 R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

## अरुनदय 3.0 आरु माहारियारि आदार रेखाथिनि सोमोन्दै भिडिअ कम्फोर्सिनि गेजेरजो गिबि मन्थिआ गोनांथार जथुम खुदों

अरुनदय बिथांखिजों आदार फोनांजाबनायनि थांखि आजावनाय जागोन: ड० हिमन्त बिश्व शर्मा

दिसपुर, 14 सेप्टेम्बर: आसामनि गिबि मन्थि ड० हिमन्त बिश्व शर्माआ दिने दिसपुराव थाया लकसेवा भवननि मे ल जथुमसालियाव राइज्योनि मन्थि गोथुम, एमपि, एमएलए आरु जिल्ला बेंगिरिफोरजों अरुनदय 3.0 आरु माहारियारि आदार रेखाथि बिथांखिनि सोमोन्दै भिडिअ कम्फोर्सिनि गेजेरजों मोनसे गोनांथार जथुम खुदों। जथुमयाव गिबि मन्थि ड० शर्माआ फेगौ 19



सेप्टेम्बराव आसाम नाइ नो अरुनदय 3.0 आरु माहारियारि आदार रेखाथि बिथांखिजों

बेखेवनायनि बिथांखि आजावनानै (० 5 बिलाइआव)

## उदालगुरियाव बाग' एनडिएफबिनि खुंगा 36थि मुंख्लं सान फालिदों

जोहोलाव बि. बांबुखोर ट्रस्टनि मुंआव 10 लाख रं अन्सुंथाइ होनाय जागोन: प्रमद बर'

बड'सा थान्दै/उदालगुरि, 14 सेप्टेम्बर: 14 सेप्टेम्बराव बाग' एनडिएफबि आफादिनि मोनसे जर्'खा सान। दिने 14 सेप्टेम्बर, मुंख्लं बि. बांबुखोरनि थैनाय सान एबा बाग' एनडिएफबि आफादिनि मुंख्लं सान। मोनसे समाव बर' माहारिनि रेखाथि, थामोन्था आरु उदांखिनि थाखाय आलादा बड'लेन्ड राइज्यो सोरजिनयनि थांखिजों आखायाव हाथियार



(० 5 बिलाइआव)

## कक्लाबारि सापागुरियावबो बाग' एनडिएफबिनि 36थि मुंख्लं सान फालिदों



सिमला, 14 सेप्टेम्बर: बाग' एनडिएफबि हान्जानि गिबि मुंख्लं बि. बांबु गोरानि थैनाय सानखों दिने गुबुन गुबुन जायगाफोरव बाग' एनडिएफबिनि दैदेनगिरि-सोद्रोमाफोर फालिनाय बायदिनो बाक्सा जिल्लानि कक्लाबारि सापागुरियावबो बाग' एनडिएफबि हान्जानि सोद्रोमाफोर खौसे जानानै आफादिनि 36थि मुंख्लं सानखों फालिदों। मुंख्लं सान फालिनाय हाबाफारिनि (० 5 बिलाइआव)

## डि आसाम ट्रिबुन डाइलग 2024 आरु आर.जि. बरुवा गोसोखांथि बान्था गथायनायनि बेखेवनाय हाबाफारि खुदों

डि आसाम ट्रिबुनआ राइज्योनि खौरंगिरि आरु हारिमुवारि जाटिमिननि बोखावजायै बाहागो जादों: ड० हिमन्त बिश्व शर्मा

दिसपुर, 14 सेप्टेम्बर: आसामनि गिबि मन्थि ड० हिमन्त बिश्व शर्माआ दिने गुवाहाटी नोगोरमनि हटेल भिभात्याव 'डि आसाम ट्रिबुन' हान्जानि बान्जायनायाव खुंजानाय 'डि आसाम ट्रिबुन डाइलग' -2024 जों लोगोसे आरि जि बरुवा गोसोखांथि बान्था गथायनाय हाबाफारिनि बेखेवनाय हाबाफारियाव बाहागो लाफेदों। हाबाफारियाव 'आसामखो सिगां लोहोनाय दावबायनाय: सिमां आरु हास्थायनाय' आयदाफारिखों (० 5 बिलाइआव)



## नाग्रिजुलि साहा बागानाव उड़िया हारिनि नुवाखाइ रंमन्च भवननि अन्थाइ खाम्फा गायसन्दों

बिटिआरनि मोनफ्रोमबो हारिनि फारफ्रोमबो जौगाथाया जौनि थांखि: प्रमद बर'

तामुलपुर, 14 सेप्टेम्बर: तामुलपुर जिल्लानि नाग्रि जुलि साहा बागानाव दिने उड़िया हारिनि रंसे नुवाखाइ रंमन्च भवननि अन्थाइ खाम्फा गायसनाय जायो। दिने फुनि 10 रिगायाव नुवाखाइ रंमन्च भवननि अन्थाइ खाम्फाखों गायसनाय होयो बिटिसिनि गाहाइ मावफुं सोद्रोमा प्रमद बर'आ। अन्थाइ खाम्फा गायसनाय प्रमद बर'आ हाबाफारियाव बाहागो



लानाय राइजो-राजाफोरनिमिस करम फोर्बोनि गाहाइ हामब्लायथि जासिहसनाय बुडोदि, बिटिआरआव गोवां हारि-माहारिनि सुबुंफोर जिउ खुंबोदों। बे हारि-माहारिफोर गुबुन गुबुन जेना आरु जुजिनयनि गेजेरजों बिटिआर ओन्सोलाव जिउ (० 5 बिलाइआव)

## गुबुन गुबुन दोलोनिफ्राय सा 371 बिबानगिरि-हेफाजाबगिरिफोरा बिपिएफ दोलोयाव हाबफैदों

कक्राझार, 14 सेप्टेम्बर: दासादि बर'लेन्ड हालामनि राजखांथियाव ओन्सोलादि दोलो इडपिएफ आरु बिपिएफ दोलोनि गेजेरव ज' खालामनायखों लानानै गुबुन गुबुन थायोयाव सावरायजावथा थाया समावनो मोननेबो राजखांथियारि दोलोनि गेजेर इडिडारि ज' जानायनि जथुम खुंनाय बायदि खौरंगोफोर फोसावजादोव्वाबो गुवैथै (० 5 बिलाइआव)



## बड'लेन्ड मुलुग सोल्लोसालि दालाइसा एबसुनि बान्जायनायाव 10 साननि हारिमुवारि मावबादाया जोबलांबाय

कक्राझार, 14 सेप्टेम्बर: दुलाय बर' फरायसा आफादिनि बड'फा गो जोरथियारि सोलायनाय मावथांखिखों बिथा खालामनानै बड'लेन्ड मुलुग सोल्लोसालि दालाइसा एबसुनि बान्जायनायाव बर'नि दोरोडारि मोसानाय आरु दामनाय-देनायनि सायाव 10 साननि हाबाफारिजों खुंनाय आरिमुवारि मावबादाया जोबलांबाय। बड'लेन्ड मुलुग सोल्लोसालियाव दिने जोबथा



हाबाफारि खुंनायनि गेजेरजों लाइमोनफोरनि गेजेरव हारिमुखों जोजोबनानै लोहोनाय आरु बर'नि हारिमुखों जौगा होनाय-फोथानानै

लाखिनयनि थांखिजों खुंनाय बे हारिमुवारि मावबादाखों दिने फोजोबनाय जायो। बड'लेन्ड मुलुग सोल्लोसालि दालाइसा

एबसुनि गाहाइ नेहाथारि पबिना नार्जिनि मासि लानानै दैदेनाय दिनेनि जोबथा हाबाफारियाव दालाइसा एबसुनि आफादिगिरि रोदोम बसुमतारिआ हारिमुनि गोनांथि आरु बेखों रेखाथि (० 5 बिलाइआव)

## रैतायाव 23 नं. बेटेलियन एस एस बि नि सिबस्त्रानाय हाबाफारि

साखोन-सिखोन आरु सोमखोर बिटिआर दाफुंनायाव बाहागो लानो बयखौबो खावलायदों



रैता, 14 सेप्टेम्बर: उदालगुरि जिल्लानि रैतायाव दिने 23 नं. एसएसबि लालफुल हान्जाआ मोनसे साखोन-सिखोन सिबस्त्रानाय हाबाफारि लादों। बे सिबस्त्रानाय हाबाफारियाव बाहागो

लाफादों बिटिआरनि फोरमाइथाय आरु सुबुं फोनांजाब बिफाननि मावफुं सोद्रोमा ड० निलतु स्वर्गियारिआ बेखेवनाय होदों। बबेखानि फेगौ 2 अक्टबर, माहारिनि बिफा महात्मा गान्धीनि जोनोम सानजों लोखा लाखिनाने 23 नं. एसएसबि सान्थि हान्जाया बे सिबस्त्रानाय हाबाफारिखों लानाय जादों। साखोन-सिखोन (० 5 बिलाइआव)

साइकेल रेलि खालामनानै रैतायाव गासैबो सान्थिफोर आखायाव हासिब लानानै सोरगिदि दाखोर-दालाफोरखों सिबसाडो। बे साखोन-सिखोन हाबाफारिखों मावफुं सोद्रोमा ड० निलतु स्वर्गियारिआ बेखेवनाय होदों। बबेखानि फेगौ 2 अक्टबर, माहारिनि बिफा महात्मा गान्धीनि जोनोम सानजों लोखा लाखिनाने 23 नं. एसएसबि सान्थि हान्जाया बे सिबस्त्रानाय हाबाफारिखों लानाय जादों। साखोन-सिखोन (० 5 बिलाइआव)

## बासुगावआव बिजेपिनि दोलोयारि हाबाफारियाव एमपि दिलिप शइकियाआ बाहागो लादों

सनापुरनि होखास्त्रानायखौ लानानै कंग्रेस दोलोनि फारनै खुगा खांथिखौ गोखों रावजों सौखारिदों

बासुगाव, 14 सेप्टेम्बर: सनापुरनि होखास्त्रानाय हाबाफारिखौ लानानै कंग्रेस दोलोया आजावनाय फारनै खुगानि खांथिखौ गोखों रावजों सौखारिनायजों लोगोसे थागिबिनि मोन्थायखौ लाखिलानो थायाय लानाय होखास्त्रानाय। बाफारिखों लानानै आसामनि थागिबि आहम हारिनि कंग्रेसनि एमपि गौभ गौ आरु एमएलए देबब्रत शइकियाआ आजावनाय बिफावखों सौखारिनाय गोखों बिबुंथि होयो बिजेपिनि एमपि दिलिप शइकियाआ। दं-उदालगुरि लक सभा बिबाबनि बिजेपिनि एमपि दिलिप शइकियाआ दिने चिरानि बासुगावआव जिल्ला बिजेपिनि मोनसे दोलोयारि हाबाफारियाव बाहागो लानानै गावनि बिबुंथियाव कंग्रेस दोलोनि इयुना दानिया थागिबि मानसिफोरनि आखायाव



गैलिया होनाने बुडे। बिथाड बुडेदि कंग्रेस दोलोयाव दानिया हारियारि मेर-गावस्त्रानाय आरु धोरामानि गोसोयारि मोन्थाय सोमजिहोनाय मोनसे राजखांथियारि मुलाम्फा लानो नाजागसिनो दं। बिसोरनि बे हाबायाव धोरामारि बाडइ सानखोनि एमएलए आरु एमपिफोरल' नडा, बेयाव कंग्रेस दोलोनि जानानै खामानि मावबोनाय थागिबि हारिनि दैदेनगिरिफोरनिबो हेफाजाव दड'। कंग्रेसनि एमपि गैरभ गौ आरु एमएलए देबब्रत शइकिया बिसोर सानने कंग्रेसनि दैदेनगिरिफोर आहम हारिनि, बे बिथिडव बिसोर थागिबिनि शार्थ रेखाथिनि थाखाय खामानि मावबोनाय बिजेपि दोलोखौ हेफाजाव होनो नांगोमोन, (० 5 बिलाइआव)

गुवहाटी, 14 सेप्टेम्बर: आसामनि राइज्यो बेंगिरि लक्ष्मण प्रसाद आचार्यआ दिने गुवाहाटी कानापाय भेदेनारि गेलेंग्रा फोथाराव सोलिगासिनो थायाय श्री श्री रुद्र महायगना आरु कामेस्वरि महा आराधनाआव बाहागो लानानै आसामनि थागिबि सुबुंफोरनि (० 5 बिलाइआव)

गैलिया होनाने बुडे। बिथाड बुडेदि कंग्रेस दोलोयाव दानिया हारियारि मेर-गावस्त्रानाय आरु धोरामानि गोसोयारि मोन्थाय सोमजिहोनाय मोनसे राजखांथियारि मुलाम्फा लानो नाजागसिनो दं। बिसोरनि बे हाबायाव धोरामारि बाडइ सानखोनि एमएलए आरु एमपिफोरल' नडा, बेयाव कंग्रेस दोलोनि जानानै खामानि मावबोनाय थागिबि हारिनि दैदेनगिरिफोरनिबो हेफाजाव दड'। कंग्रेसनि एमपि गैरभ गौ आरु एमएलए देबब्रत शइकिया बिसोर सानने कंग्रेसनि दैदेनगिरिफोर आहम हारिनि, बे बिथिडव बिसोर थागिबिनि शार्थ रेखाथिनि थाखाय खामानि मावबोनाय बिजेपि दोलोखौ हेफाजाव होनो नांगोमोन, (० 5 बिलाइआव)

गुवहाटी, 14 सेप्टेम्बर: आसामनि राइज्यो बेंगिरि लक्ष्मण प्रसाद आचार्यआ दिने गुवाहाटी कानापाय भेदेनारि गेलेंग्रा फोथाराव सोलिगासिनो थायाय श्री श्री रुद्र महायगना आरु कामेस्वरि महा आराधनाआव बाहागो लानानै आसामनि थागिबि सुबुंफोरनि (० 5 बिलाइआव)

## सनापुर हाव होखास्त्रानाय जाथयनि हेथायै बाक्सानि कालपानीयाव एबिएमसुआ सोमावसादों



सालबारि, 14 सेप्टेम्बर: सनापुरनि कसुतलियाव होखास्त्रानाय हाबाफारि लानाय गुलि गावनाय जाथय सोमजिनयनि हेथायै दिने दुलाय बिटिसि माइनरिटि फरायसा आफाद सुंदयै एबिएमसुआ गोखोडै हेथा सोमावसारनाय हाबाफारि खुदों। बिटिआरनि गुबुन (० 5 बिलाइआव)

कक्राझारनि भतगावयाव एबिएमसुनि भिरु मावखुलियाव सोमावसारनाय हाबाफारि खुदों



कक्राझार, 14 सेप्टेम्बर: कामरुप नोगोरमा जिल्लानि सिडव थायाय सनापुरनि कसुतलियाव होखास्त्रानायनि मुडव दाय गैयैफोरनि सायाव पुलिसआ इनायै गुलि गावनाय खामानिखौ लानानै राइज्योनि सोरगिदि धिक्कार होनाय समावनो दिने कक्राझारवबो (० 5 बिलाइआव)



## सुजुगिरिनि खोलोम

### मोजां हाबा गात्रि हाबा

सुबु समाजआ मोजां आरो गात्रि बे मोनैजोनों दजानाय। बेखायनो समाजआबो हाबाखौं नायनानै मोजां-गात्रि बिजिरो आरो समाजखौं सोलिनो हानाय खालामो। नाथाय समाजआ मोजांनि अनगा गात्रि जानायखौं लुबैयो। समाजआ गोजोन थासांरि, जौगानाय, अनलायनाय आरो फोथायलायनायनि दौलेंआ गोखौं जानायखौं हास्थायो, बेखायनो समाजनि जायखि-जाया सुबुनि मोजां जानायखौंसो लुबैयो। समाजल 'नज मोनफ्रोम सुबु अन्साय खुंथायफोरानो नौ-नारि सुबुफोरनि मोजां हास्थायनानै बाइदिसिना विथांखिफोर आजावनानै हाबा मावनाय नुनो मोननाय जायो। सुबु खुंथाय जानायलाय जौनि हादतआव मोजां गात्रि सावरायनानै गोरोन्थिफोरखौं दिन्थिनय आरो बाश्रा बुनाने बिजिनो खावु होनायनि राहा दड। बेखायनो खुंथाया माबा मोनसे मावनो लायोब्ला बेनि मुलाम्फाखौं जाहाथे बिसोरल' मोनो हाया बेनि थाखाय बेरेखा हान्जाफोरा बाइदिसिना अजद लाबोनानै मुलाम्फाखौं गावसोरबो मोनफुनो नाजानायखौं जौं नुनो मोननाय जायो। बिन्दि होनानै युक्ति गैथारै सोदोब आरो बाश्रा बुनानै सौंखारियोब्ला बेयो माब्लाबाबो गनायथाव जानो हाया। आथिखाल ससिएल मिडियानि गेजेरजौं गोबाडनो गोबां बाश्रा सावरायनानै कमेन्ट होनाय नुनो मोनो। बेफोरखौं रइजो-रजा सुबुफोरबो नोजोर लाखियो आरो बबे थार बबे गोरोन्थि जादौं बेनि फिननायबो होलायनाय नुनो मोननाय जायो। बबेसो सिगां हादतनि गोजामथार बेरेखा दोलोनि दैदेनगिरिआ कन्याकुमारिनिफ्रय काश्मीरसिम भारत जडो हान्जा सुरनायनि उनाव गुबुन हादतआव गाव हादतनिनो बेरेखायै बिबुंसार होनाय ससिएल मिडियाआव गोसारनायनि उनावनो बेनि जाबथु जाबथु फिन जाथाय होनायबो नुनो मोननाय जादौं। गोबाडनो बुदौं-उदांस्तिन उनावनो ज' जायै फिसा फिसा रइज्योफोरखौं सदांर पेटेलआ हादतजौं सरजाबदौंमोन। बिन्दिआव बावैसो भारत सरजाब हान्जा सुरनाया मा आंथि जादौं होनानै ससिएल मिडियानि गेजेरजौं सौंखारिनानै गाग्लोबनायखौं नुनो मोननाय जादौं।

समाजआव मोजांनि अनगा गात्रि हाबा मावनो मोजां मोनगाफोरबो थायो। बाश्राया बेबो सैथोदि- मानसिया गात्रि जानो होनानै जाया। सोरनिबा फुस्लायनाय, लोगो-लोब्बायै थानानै गोसो लेमनानैसो सासे मोजां गोसोनि सुबुआबो गात्रि सान्नाय-हनायाव गब्रायनाडो। गात्रि हाबायाव बाख्नायनाय थाया। मोजां हाबा मावयोब्लासो सुबुफोरनि साबायख'र आरो हामब्लायनाय मोनो हायो। गात्रि हाबानिफ्रय बारग'नोबो हाया। सानसे नडा सानसे साजाखौं मोनखानाडो। थांनाय माखासे सान सिगां जौनि हालामानि दाब दाब ओन्सोलफोराव सोमजिलांनाय जाथायफोरजौं लोब्बा थानायफोरा साजा मोननाय बादिनो बावैसो सिगां थाव डिपुआव दाखाथि खालामनाय दायनिगिरिफोरबो हमजानानै साजा मोननाय। बेबादिनो गोबां समाज बेरेखा हाबा, ड्रागस जगायग्रा सुबु बेरेखा हाबाजौं लोब्बा थानाय दायनिगिरिफोरबो दिनेनि समाव साजानिफ्रय बारग'नाय नुनो मोननाय जाया। बेखायनो मावनायनि सायावसो फिथायाबो फैयो।

## दिनेनि फान्जामुथि

### राशि बाइदियै मुनि गिबि हांखो

मेघ : अल बुध : ऊब (उ ए इ) मिथुन : क छ (ङ ङ)  
 कर्कट : ड ह सिंह : म ट कन्या : प ठ (ण ष)  
 तुला : त र बृश्चिक : ब न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

**मेघ:** मानिबा सान्नाय जाफुडैनि थाखाय गोसोआ बायफलेलोनो हागौ। गोसोखौं हमथाना थानाया गाहाम।

**बुध:** जेखि जाया फोर्बेनि समाव रंजा-बाजा खालामनानै सान बारहोनो हागोन। गोजोन मोनगोन।

**मिथुन:** मोजां रंग'थिजौं देहासार जानो हानायनि मान बाउजानो मोनगोन। गोजोन मोनगोन।

**कर्कट:** बायदिसिना फिसा-फिसौ बेरामआव गोल्बैबायनो हागौ। देहाखौं सांग्राडै लाखिनांगोन।

**सिंह:** माबाफोर मुवा-बेसाद मोनानैगौ दडबा मोनगोन। गोसोखौं गोजोन मोनगोन। मोजां सान।

**कन्या:** गोथार खामानि मावनो गोनं दडबा मावनो हागोन। बे राशिनि थाखाय मोजां सम।

**तुला:** जेखियानो जाया गोथार खामानियाव आगान सुरनानै लानो हागोन। सान्नाया जाफुंगोन।

**बृश्चिक:** जेना-जेसि थानायफोरखौं गोसोखानानै जिंगा सिनांगोन। गोसोखौं हमथा।

**धनु:** जैरेबो रंजा-बाजा खालामनानै सम हगारहोनो हागोन। नोथानि थाखाय मोजां सान।

**मकर:** सान्नाय-हनाय खामानिफोरखौं मावफुडोबा जाफुनो हागौ। गोसोखौं गोजोन मोनगोन।

**कुम्भ:** जेबो जेना गैयै सुखुयै थानो हागोन। फारफोमथिबो मोजां।

**मीन:** बेफार फालांगि मावनायाव रंखावरि मुलाम्फा मोनो हागोन। दिनेनि दिनआ मोजां सम।

# बोथोर बिफानआ हाजोनिफ्राय लानानै हायेन राइज्योफोरसिम अखाणि एलाट फोसावदौ

गोदान दिल्ली, 14 सेप्टेम्बर: हादरनि माखासे राइज्योफोराव मौसुमि बोथोरआ एक्टिभ जानानै दड। सेप्टेम्बरनि गिबि सप्ताहआ जोबलांबाय, बे समआ मौसुमि बोथोरनि बिदाइनि बुब्लि जायो। नाथाय हाजोफोरनिफ्राय लानानै सा आरो गेजेर भारतनि हायेन ओन्सोलफोरनि माखासे राइज्योफोराव अखा हानाया सोलियासिनो दड। बेनि गेजेरजौं बोथोर बिफानआ दिल्ली आरो माहारियारि रजथानि ओन्सोलजौं लोगोसे हाजोयारि राइज्योफोर हिमाचल प्रदेश, उत्तराखण्डनिफ्राय लानानै रजस्तान, इडिपिजौं लोगोसे माखासे राइज्योफोराव जुब-जुब अखा हानायनि सांग्राथि फोसावदौ।



अदेबानि राजथानि दिल्ली- एनसिआरआव मौसुमि बोथोरआ एक्टिभ जानानै दड। राजथानिनि सुबुफोरा सेप्टेम्बर दानआवनो नभेम्बर दानबादि गुसु मोन्दौ। बेनि गेजेरजौं दिल्ली

## मेघालयआव एडिसिखौ फोजोबनो खावलायनायनि सायाव कंग्रेसआ भिपिपिनि सायाव नोजोर खोखलैदौं



गुवाहाटी, 14 सेप्टेम्बर: कंग्रेस दोलोआ मेघालयआव एडिसिखौ फोजोबनो सावरायनायनि थाखाय भइस अफ दि पिपुल्स पाटि (भिपिपि) खौ सौंखारिदौं। कंग्रेसनि सासेल' एमएलए रनि भि लिंदहआ भिपिपिखौ गोसोखां होयोदि, कंग्रेस दोलोआनोमोन, जाय सा-सान्जा राइज्योफोराव 6 थि फारिलाइखौ दिन्थिदौंमोन, जाय हादरनि थोनिबिफोरनि हा हरिसु आरो थांना थानायनि राहाफोरखौ रैखा खालामदौं। लिंदहआ भिपिपिनि थोनिबिफोरनि मुलाम्फा मोनो थाखाय मोनसे थगायनो

नेवसिगारदौं। बिथाडा बे बाश्रानि सायाव गोनांथि होयोदि, 6 थि फारिलाइआ मेघालयनि सिनायथिनि अन्थाय खाम्फा जाबाय। बिथाडा बुदौंदि, अरुनाचल प्रदेश आरो लाडाख बायदि गुबुन ओन्सोलआ 6 थि फारिलाइनि बेंखनआव फौनो दाबि दैखांगसिनो दड, जाय बेनि मख'जाथानि सायाव नोजोर होयो। जानो गोनां जिल्ला परिध बिसायख'फोरनि सोमोन्दै लिंदहआ गनायनानै लादौंदि, भिपिपिआ मोनसे सेलेन्स दिन्थिनो हागौ। बेनि गेजेरजौं बिथाडा फोथायनाय फोरमायदौंदि, सुबुफोरा कंग्रेस दोलोनि बिहोमाखौ सिनायनानै भिपिपिनि थगायनाय एजेन्डाखो नेवसिगारगोन।

## मेघालय कंग्रेसआ दोलो सोलायग्राफोरनि हेंथायै आइनारि नायबिजिनो दाबि दैखांदौं

शिल, 14 सेप्टेम्बर: मेघालय कंग्रेसआ नेसनेल पिपुल्स पाटि (एनपिपि) आव हाबहेनाय सा 3 बारग' एमएलएफोरनि हेंथायै आइनारि नायबिजिनो जागायदौं। मख'नो गोनांदि, सेलेस्टीन लिंदह, गेन्निएल वाइलौ आरो चार्ल्स मानंगरआ थांनाय आगस्ट दानआव नेसनेल पिपुल्स पाटिआव हाबहेदौंमोन। बे थोनिबिजिनो बे समाव लानाय जायो जेब्ला दोलोआ इन्टेरिम गुलु-गुलु आरो बिसोरखौ दैदेनयनि सोमोन्दै सौंथिफोरजौं मोगा-मोगि खालामगासिनो दड। कंग्रेसनि गाहाइ नेहाथारि ए चेल्ला क्रमाआ आइनारि नायबिजिनयखौ फोरमायनानै बुदौंदि, दोलोआ सिगाडवनो सा 3 एमएलएफोरखौ सास्पेन्ड खालामगाव आरो थाबेनो नायबिजिनगोन। आथिखालाव



कुमारआ मेघालय कंग्रेसनि आफदगिरिभिन्सेन्ट एडिस पालानि इयुनिन सोमोन्दै जेबो फोरमायाखै। दोलोआ बावैसोनि सानफोराव मख'जाथाव सेलेन्सफोरजौं मोगा-मोगि जानांदौं, जेराव 2021 आव गुणामुल कंग्रेसनि आखाइयाव सा

## दरनि लुगासिनो थानाय एटेनल प्लान्टआव जाब्रबथाइजौं सासे लेबारनि जिउ ख'हा



गुवाहाटी, 14 सेप्टेम्बर : असामनि दर जिल्लायवा थानाय एटेनल प्लान्टआव जाब्रबथाइ सोमजिदौं। शनिबारनि फुडाव जानाय जाब्रबथाइयाव सासे सुबुनि जिउ गोमायो आरो गुबुन सानैया जोखोम जायो। थैनाय सुबुखौ प्लान्टआवनो खामानि मावग्रा

मेगनजौं नुनो मोननाय लेबारफोरा दाबि दैखानाय बायदिल्ला बे समाव बैयाव कम्पनीनि बिबानगिरि एखा गागि नायसंग्रा बिबानगिरिफोर गैयामोन। रेखाथि राहाफोरखौ मोजां रोखोमै ज'गायना होयैआवनो जाब्रबथाया जादौं होननाबो मावफारियाफोरा बुदौं। सरिपुल आरो गुबुन जाब्रबथायाव गोर्लैनाय मावसुमाफोरा 75 फुट गोजौ लुगासिनो थानाय साइटनिफ्राय गोर्लैदौं। लेबारफोरा बुनाय बायदिल्ला, जाब्रबथाइनि उनाव जोखोम जानायफोरखौ फाहामसालियाव लानो थाखाय थि समाव कम्पनीनिफ्राय गारि-मथर सफैयाखैमोन। बैयाव खामानि मावबाय थानाय लेबारफोरा जोखोम जानाय लेबारफोरो अन्सुथाइ होनांगौ होना दाबि दैखांदौं आरो खामानि मावनायाव गोखौं रैखाथि राहा ज'गायना होनोबो खावलायदौं।

No.SLRC-G-III/91/Advertisement/2023/36,

**PRESS RELEASE (PUBLIC APPEAL)**

This is for information to the general public that the written examination for Class-III posts of HSSLC level under the State Level Recruitment Commission for Class-III Posts will be held on **15<sup>th</sup> September, 2024**. The Board of Secondary Education, Assam (SEBA) will conduct the examination on behalf of the Commission. A whopping **11,23,204** number of candidates shall appear for the examination in as many as **2305** examination centres spread across the state of Assam.

With a view to holding the examination in a free, fair and transparent manner and to select the best candidates purely on merit, Government of Assam has made elaborate arrangements for the examination. However, it has been observed on many such earlier occasions in our State as well as in other States that some unscrupulous elements resorted to unfair means using different Mobile Applications such as Facebook, WhatsApp, X (Twitter), Telegram and Youtube etc. which are based on internet/Wi-Fi connectivity. There exists a substantial apprehension that the anti-social elements or the organized groups shall try to take the advantage of the situation by resorting to rumour-mongering through social media and may try to destabilize the process of examination. Some even may try to sell fake question papers using different social media platforms.

We fervently appeal the general public not to believe in such anti-social news and also not to fall prey to such fake news.

To ensure that there remains no loopholes in the examination process which might have the potential to create doubt in the public mind on the fairness of the recruitment process, the Government of Assam has taken necessary steps to temporarily disable the Mobile internet/Mobile data/Mobile Wi-Fi connectivity on **15<sup>th</sup> September, 2024 from 10.00 A.M. to 1.30 P.M.**

All are requested to bear with the inconvenience in the interest of holding a free, fair and transparent recruitment examination and thereby securing the future of the youths of the State.

Sd/-  
Secretary,  
State Level Recruitment Commission for Class-III Posts  
AASC, Khanapara, Guwahati-781022.

Janasanyog /D/5798/24/15-Sep-24

**PROHIBITORY ORDER U/S 163 OF THE BHARATIYA NAGARIK SURAKSHA SANHITA, 2013**

Whereas the Government of Assam through the "State Level Recruitment Commission for Class-III and Class-IV Posts" is going to conduct written examinations for recruitment to the vacant posts of Class-III and Class-IV in different State Government establishments for the eligible candidates;

Whereas, Secondary Education Board of Assam (SEBA) on behalf of the "State Level Recruitment Commission for Class-III and Class-IV Posts" has announced the schedule of holding of such written examinations in different examination centers in districts including 324 Examination Centers in the jurisdiction of Police Commissionerate, Guwahati in the District of Kamrup Metropolitan on 15/09/2024, 29/09/2024 and 27/10/2024;

Whereas, the total number of candidates appearing in the written examinations in Examination Centers in the jurisdiction of Police Commissionerate, Guwahati in all papers will be approximately 4.5 lakhs ;

Whereas, the Government desires that the written examination should be held in free, fair and transparent manner to select the best candidates purely on merit and no malpractices should be allowed during the examination;

Whereas, it has been observed on earlier such occasions that some unscrupulous elements resorted to unfair means using different Mobile Applications such as Facebook, WhatsApp, Twitter and Youtube etc. which are based on Internet Connectivity and also there were instances of outsiders trying to interfere in the fairness the selection test;

Whereas, the Government of Assam does not want any lapse in the examination process which might have the potential to create doubt on the fairness of the recruitment process undertaken by the Government and thereby creating law and order issues in the State having bearing on public safety;

Whereas, the matter has been examined and it is felt that, in the interest of holding free, fair and transparent recruitment examination, it is prudent and expedient to plug all possible loopholes during examination hours on the days fixed for holding such written examination;

Therefore, in the interest of holding free, fair and transparent written examination and also to prevent arising of any law and order issues having bearing on public safety, I, Imdad AN, APS, Deputy Commissioner of Police (Administration), Police Commissionerate, Guwahati, hereby promulgate this Order under the provision of Section 163 of the Bharatiya Nagarik Suraksha Sanhita, 2023 prohibiting the entry of any unauthorized person within 100 meters of the respective Examination Centers except the following categories of persons -

- 1) Candidates with a valid Admit Card.
- 2) Scribes of the persons with disability with proper authorization from the competent authority.
- 3) Officials engaged for conduct of examination like Head of the Institution Centre In-charge, Supervising Officers, invigilators, Grade - III & Grade-IV staff etc
- 4) Police Officials on examination duty.
- 5) Any authorized persons of District Commissioner/Government, Inspectors of Schools and Secretary, SEBA.

This Order will be in force on the date and time as mentioned below:

Date	Time/ Duration
15/09/2024	10:30 AM to 01:30 PM
29/09/2024	09:00 AM to 12:00 Noon
	01:30 PM to 04:30 PM
27/10/2024	09:00 AM to 11:30 AM
	01:30 PM to 04:30 PM

Violation of the promulgation will be punishable under Section 223 of the Bharatiya Nyaya Sanhita, 2023.

Given under my hand and seal on this 09<sup>th</sup> day of September, 2024.

Sd/-  
Deputy Commissioner of Police (Administration),  
Guwahati, Assam

Janasanyog /D/5814/24/15-Sep-24



# गाहाइ मन्थि मदिआ क्वाड आरो ब्रिक्स शिकर सम्मेलनआव बाहागो लागोन

गोदान दिल्ली, 14 सेप्टेम्बर : जायखिजाया हान्जायाव थाया जासे गावनि हादतनि हिटफोरनि गेजेरजों सोलोखान्थि दानायनि भारत सरकारनि खान्थिया गोखोंसिन जागोन। बेनि गेजेरजों गाहाइ मन्थि मदिआ फेगौ 21 सेप्टेम्बरखालि अस्ट्रेलिया, आमेरिका, जापान, आरो भारतनि आफाद क्वाडनि जथुमायाव बाहागो लागोन। आमेरिकायाव खुंजानो गोनां बे जथुमायाव गाहाइ मन्थि अनगायै हादतगिरि बाइडेन, अस्ट्रेलियानि गाहाइ मन्थि एन्टनी आरो जापाननि गाहाइ मन्थि किसिडा बिथांमोनहा बाहागो लागोन। बेनि उनाव 21 अक्टूबर 2024 आव गाहाइ मन्थि मदिआ चीननि हादतगिरि जिनिफं, रसियानि हादतगिरि पुतिन बायदि गोखों दैदेनगिरिफोरजों लोगोसे



ब्रिक्स आफादनि शिकर सम्मेलनआव बाहागो लागोन। मख 'जाथावदि, फारसेथिं आमेरिकानि दैदेननायाव सोनाबारि हादतआ इडक्रेन आरो भारत-प्रसान्त ओन्सोलखौ लानानै रसिया आरो चीननि हेंथायै गावसिनि नोजोर आरो थंखिखौ गोखों खालामगासिनो दड। गुबुन फारसेथिं भारतआ बिसोरजों

मोनसे मख 'जाथाव आफादआव जुथाइयै सावरायगोन आरो रासिया-चीनजों लोगोसे ब्रिक्सनि मख 'जाथाव खान्थिफोरखौ थि खालामनायाव गाहाइ बिफाव लागोन। शुक्रबार 13 सेप्टेम्बरखालि आमेरिका आरो अस्ट्रेलियानिफ्राय भाभि क्वाड जथुमाखौ फोसावनाय जादों। बे खेबनि जथुमाया जोबोद मख 'जाथाव आरो

गिदिर गिदिर एजेन्दाफोरनि सायाव बिथा खालामजानाय जागोन होन्ना दरनैबो हादतनिफ्राय इसार मोनो हादों। आमेरिकानिफ्राय फोरमायदोंदि, बाइडेन-हेरिस खुं थाइया क्वाडखौ जौसिन थाखोयाव दोन्दों। बेनि सिगां गो जौ थाखोनि जथुमाया 2021 आव हवाइट हाउसआव खुंजादोंमोन। बेनि उनाव जानो गोनां क्वाड जथुमाया गो जौ थाखोनि दैदेनगिरिफोरनि आमेरिकायाव जानो गोनां गिबिसिन जथुमा। अदेबानि देगलाय बे जथुमाया भारतआव खुंजानो गोनांमोन। नाथाय माखासे जाहोननि थाखाय खुंफुंजायाखै। फेगौ बोसोरनि जथुमाया भारतआव खुंजागोन होन्ना मिबथिनो हानाय जादों।

# जम्मु-काश्मीरनि बारामुलाआव सानै उतखारिफोरखौ फोजोबनो हादों

बारामुला, 14 सेप्टेम्बर : जम्मु-काश्मीरनि बारामुला जिल्लायाव रेखाथि हान्जा आरो उतखारिफोरनि गेजेराव जानाय गुलि गावज्जायनायाव सानै उतखारिफोरखौ जिउ फोजोबनो हायो। बेनि उनावबो सान्थिया सार्च अपारेसनखौ सोलिहोयो। बिबानगिरिफोरनि मिबथिहोनाय बायदिब्ला, गुलि गावज्जायनाया बारामुला जिल्लानि चक टप्पार क्रि ओन्सोलाव जादों। बे ओन्सोलाव साथामसो उतखारिफोर फैनानै थाफेनायनि खोंरं मोनानै सान्थि हान्जाया सार्च अपारेसन खालामो। बेयाव जिउ गोमानाय उतखारिफोरनि सिनायथिखौ मिबथिनो हानाय जायाखै। मख 'जाथावदि, जम्मु-काश्मीरआव जानो गोनां बिधान



सभा बिसायख 'थिनि थामथि खोलोब एवा जोबथा खोलोबनि बिसायख 'थिया बारामुला, कुपवाड़ा आरो बान्दिपरा जिल्लाफोराव 1 अक्टूबरखालि जागोन। बेनि सिगां सिगां जम्मु डिभिजननि किरतवार जिल्लानि सतरु गामियाव उतखारि बेरेखा अपारेसनआ सोलिगासिनो दं, जेराव शुक्र बारखालि उतखारिफोरनि मोनसे हान्जाजों गुलि गावज्जायनायाव सानै जवानफोर मुंखलं जायो आरो गुबुन सानैया जोखोम जायो। सिनाब हायेन ओन्सोलनि ददा,

किरतवार आरो रामबन जिल्लाफोराव गासै मोन 8 बिधान सभा बियाबफोरजों लोगोसे खोला काश्मीरनि आनान्तनाग, पुलवामा, सपियां आरो कुलगाम जिल्लाफोरनि मोन 16 बियाबफोराव गिबि खोलोबनि बिसायख 'थिया 18 सेप्टेम्बरआव जागोन। बेनि उनाव जम्मु-कातुआ आरो सांबा जिल्लाफोराव 25 सेप्टेम्बरखालि नैथि खोलोब आरो 1 अक्टूबरखालि 3 थि खोलोबनि बिसायख 'थिया खुंजागोन। जम्मु डिभिजननि हाजोयारि जिल्ला पुन्च, राजौरि, ददा, कातुआ,

रियाचि आरो उधमपुरआव थानाय 2 दाननिबो बाउसिन समनिफ्राय सान्थि, रेखाथि हान्जाफोर आरो नोगोरिफोरनि सायाव उतखारिफोरा गांग्लोबबाय थादों। उतखारिफोर खबु लानानै नेना थाना हरखाबै गाम्लोबो आरो बेनिफ्राय हाजोयारि ओन्सोलनि हाग्रा गुदुआव खारखोमालाडे। बेफोर गांग्लोबनायाव गुबुन हादतयारि उतखारिफोरनि मोनसे हान्जानि आखाय दडहोना बुनाय जादों। बे उतखारि हान्जायाव सा 40-50 सोद्रोमाफोर दड होना हामदानयबो जादों।

# बन्दे स्लीपारनि एसिआ बोथोर बादियै आबहावाखौ गाहामै लाखिगोन

गोदान दिल्ली, 14 सेप्टेम्बर: बन्दे भारत मेट्रनि उनाव आथिखालाव हादरनि बन्दे भारतनि स्लीपार भार्जनआवो थियारि जाबाय। गोदान ट्रेनआ फेक्टरीनिफ्राय 20 सेप्टेम्बरआव बाइजोआव फेगोन। रेलवेआ दाननैनि ट्रायलनि उनाव डिसेम्बरनिफ्राय दावबायारिफोरनि थाखाय थिसनो थंखि लादों। सुबिधा, रेखाथि, आराम आरो

गोहोन बिथिडाव बेखौ राजथावनि आरो शताब्दी ट्रेनफोरनिफ्राय साबसिनै डिजाइन खालामदों। बोथोर आरो गोनांथिनि हिसाबजों बेनि आबहावाआ डाब्बानि बिदुंखौ गावनो गाव एडजास्ट खालामगोन। बेयाव कुलिंखौ खम खालामनाय आरो बांहोनायनि थाखाय बुनांगोनि गोनांथि जानाय नडा।



# जोबथेसालिनिफ्राय फेनायनि उनाव केजरिवालआ एक्सआव मोनसे पस्ट होदों

गोदान दिल्ली, 14 सेप्टेम्बर : गिबि मन्थि अर्भिन्द केजरिवालआ शुक्रबारखालि सुप्रिम कर्टनिफ्राय जागिन मोनो। कर्टआ बिथांखौ माखासे गोनांथार सर्तिन गेजेरजों जागिनआव हगारो। सर्तफोरनि गेजेराव केजरिवालआ गिबि मन्थि मावख 'आव थानो मोननाय नडा। अदेबानि जोबथेसालिनिफ्राय जागिन मोना बायजोआव फेनो हानायाव आम आदमी पार्टीआ माखासे गिदिर रेहाय मोनगोन। शनिबारखालि दिल्लीनि गिबि मन्थि केजरिवालआ गावनि सरशेल मिडिया एकाउन्टआव मोनसे पस्ट खालामदों। बेयाव बिथाडा बुंदोंदि, दिने सानजौफु 12 रिंगायाव बिसोरखौ साबायखर होनो थाखाय आरो बिथांनि आशिदबाद लानो थाखाय कनत प्लेसआव थानाय



हनुमान मन्दिरआव थांगोन। मख 'जाथावदि, गिबि मन्थिया जोबथेसालिनिफ्राय ओंखासनायनि उनाव गावनि बिसि सुनिता, मनिष सिंस 'डिया, सन्जय सिंह आरो राघव सडडा बायदि दैदेनगिरिफोर आरो पार्टीनि मावफरियाफोरजों लोगो हामदों। बिथाडा बे समाव बिबुंथियाव बयबो सुबुंफोर आरो इसोरनो साबायखर बाउदों। सर्तिन गेजेरजों जागिन मोननायनि जाहोनाव बिथाडा सरकारि

हाबाफरियाव एवा गिबि मन्थि मावख 'याव थानो मोनैखो गोजोन्नाय गैयै फोरमायदों। अदेबानि अर्भिन्दनि बायजोआव फेनायजों आपआ दिल्ली सरकारनि खामानिफोरखौ गोखोंसिन मावनो हानाय जागोन होन्ना आसा खालामनाय जादों। आपनिफ्राय बुंदोंदि, केजरिवालआ गावनि गासैबो मन्थिफोरनो बिथोन होनो थाखाय आबुं गोहो दड।

## GOVERNMENT OF ASSAM POLITICALS) DEPARTMENT::DISPUR 2nd Floor, I Block, Assam Secretariat, Dispur, Guwahati-6 Telefax No.0361-2261421:: eMail: home.assam(S)gov.in

### NOTIFICATION

eCF No. 551356/6: Whereas, the Government of Assam through the "State Level Recruitment Commission for Class III Posts" is going to conduct written examination for recruitment to the vacant posts of Class-III in different State Government establishments for the eligible candidates;

Whereas, Secondary Education Board of Assam (SEBA) on behalf of the "State Level Recruitment Commission for Class-III Posts" has announced the schedule of holding of such written examinations in different examination centres covering 28 districts of Assam on 15<sup>th</sup> September 2024;

Whereas a whopping 11,23,204 number of candidates are supposed to appear for the public exam in 2305 examination centres spread across the state of Assam on that day, out of which 429 centre are identified as 'sensitive' centres due to their geographical location and past history of cheating and other malpractices;

Whereas, the Government of Assam desires that the written examination should be held in a free, fair and transparent manner to select the best candidates purely on merit and no malpractices should be allowed during the examination;

Whereas, it has been observed on earlier such occasions that some unscrupulous elements resorted to unfair means using different Mobile Applications such as Facebook, WhatsApp, X(Twitter), Telegram and Youtube etc. which are based on Internet/Wi-Fi Connectivity;

Whereas, the Government of Assam does not want any loopholes in the examination process which might have the potential to create doubt in the public mind on the fairness of the recruitment process undertaken by the Government and thereby creating law and order issues in the State having bearing on public safety;

Whereas, there exists a substantial apprehension that the anti-social elements or the organised groups shall try to take the advantage of the situation by resorting to rumour-mongering through social media and may try to destabilise the process of examination;

Whereas, the Government of Assam has carefully examined the matter and have come to a conclusion that in the interest of holding free, fair and transparent public examination, it is prudent and expedient to plug all possible loopholes including by temporary disabling of Mobile Internet/ Mobile data/ Mobile Wi-fi Connectivity during examination hours on the day fixed for holding such written examination,

Therefore, in the interest of holding free, fair and transparent public examination and also to prevent arising of any law and order issues having bearing on public safety, I, **Shri Ajay Tewari, IAS, Additional Chief Secretary to the Government of Assam, Home & Political Department**, hereby promulgate this Notification under the provision of Section 5 (2) of the **Indian Telegraph Act, 1885** read with the **Temporary Suspension of Telecom Services (Public Emergency or Public Safety) Rule, 2017** to prohibit the Mobile Internet/ Mobile Data/ Mobile Wi-fi Service of All Mobile Service Providers in the entire state of Assam as per date and time shown below:

Name of the Posts	Date	Exam Time / Duration	Duration of prohibition of Internet/mobile data services
HSSLC level posts	15/09/2024 (sunday)	10:30 AM to 01:30 PM	10:00 AM to 1:30 PM

It is however clarified that the voice calls and the broadband connectivity based on fixed telephone lines may remain functional during the aforesaid period.

Violation of the promulgation will be punishable under Section 223 Bhartiya Nyay Sanhita, 2023 and also under the relevant provision of the Indian Telegraph Act, 1985.

Sd/-

Additional Chief Secretary to the Govt. of Assam, Home & Political Department.

Janasanyog /D/5767/24/15-Sep-24

दावबायनाय समाव दावबायारिफोर थोजासे बिबानि अक्सिजेन मोनबाय थागोन। बन्दे भारत आरो बन्दे मेट्रनिफ्राय आलादा स्लीपार भार्जनखौ गोलाव लामायाव सालायनाय जागोन। बेखौ 800 निफ्राय 1200 कि:मि: जा-थायनि सहरफोरनि गेजेराव सालायनाय जागोन। सरासन्धायै बेनि गोखैथिआ घन्टायव 130 निफ्राय 160 कि:मि: जागोन। बेयाव उरं जाहाजनि बिजनेस क्लासआव दावबायनाय बायदि मोनहोगोन। बन्दे स्लीपार भार्जनआव राजधानी आरो शताब्दी ट्रेनफोरनि रुजुनायाव बांसिन सुबिधाफोर थागोन। बेयाव केमेरा, गो जौ थाखोनि फायर शेप्टि, बेंगुरा-बेंगुरिफोरनि

थाखाय जर 'खा बार्थ आरो खिख 'रसालि, अटमेटिक दरजा, सेन्सरनि सायाव बिथा खालामग्रा इन्टर कमिउनिकेसन डर, मुवा-बेसाद लाखिनो थाखाय गिदिर लागेज रुम, चाँडि पडन्ट, रिडिं लाइट, इनसाइड डिस्पले पेनेल आरो मडुलार पेन्ट्रीनि सुबिधाफोर थागोन। गिबि थाखोनि डाब्बायाव दावबायारिफोरनि थाखाय दै गुदुंजों दुगैनायनि सुबिधा दड। बेबादिआव भाराआ 10 निफ्राय 15 जौखोन्दोसिम बांसिन जानो हागौ। एसि कचखौ एरेबादियै डिजाइन खालामनाय जादों, जाहाथे खाखाय थानाय ट्रेनआव अक्सिजेननि आंखाल मोन्दाड।

# मिजरामआ मिरु सरकारखौ स्वइन पलुजों गोहोम गोग्लैनाय अमा फिसिग्राफोरखौ हामदद होनो खावलायदों

आइजल, 14 सेप्टेम्बर: मिजराम सरकारआ मिरु सरकारनिफ्राय आफ्रिकान स्वइन फ्लु (एएसएफ) नि दोहौजों गोहोम गोग्लैनाय अमा फिसिग्रा आबादारिफोरनो रंखाथियारि

मदद होनो खावलायदों। जाय तांनाय 2021 निफ्राय अमा फिसिनायनि सायाव गोहोम खोखलैदों। मावख 'यारि बिबुंथियाव बुंनाय बादिब्ला, शुक्र बारखालि उरिष्याआव

खुंनाय जुनात फिसिनाय आरो जुनात फाहामथाय मन्थिफोरनि जथुमआव मिजरामनि जुनात फिसिग्रा मन्थि सि लालसाविवंगाआ बुंदोंदि, एएसएफनि गोहोमआ



राइज्योआव गोबां गोहोम खोखलैदों आरो अमा फिसिग्रा आबादारिफोरखौ रंखाथियारि महरै गोहोम खोखलैदों। अमा फिसिग्राफोरनो रंखाथि मदद होनाय गोनांथिनि सायाव गोनांथि होनानै लालसाविवंगाआ मिरु सरकारखौ अमा फिसिग्रा आबादारिफोरनो बिसोरनि खहानि थाखाय थांखि लानो खावलायदों। लोगोसे मन्थिआ मिरुनाव बेखौबो खावलायदोंदि, थाबेनो गुबुन हादरफोरनिफ्राय टिकाफोरखौ लाबोनांगो। लालसाविवंगाआ थानाय दानआव राइज्योयारि बिधान सभानो मिथिहोदोंदि, 57,000 निखुइ बांसिन अमा दड। राइज्योनाडे एएसएफनि गोहोमनि

जाहोनाव 2021 निफ्राय गासै 800 कौटि रंखा जाबाय आरो 43,000 निबो बांसिन अमाफोर जोबखंसाय। अमा फिसिग्रा आबादारिफोरनि खहाखौ सुफुंनो थाखाय 2021-20 आरो 2022-23 नि समाव मिरुनिफ्राय 7 कौटिनिखुइ बांसिन रंखाथि मोन्दोंमोन। राइज्यो सरकारआ रंखाथि बोसोर 2023-24 नि थाखाय मिरुनिफ्राय 74.7 लाख रंनि उफ्रा हेफाजाबो बियो। सुलुंनि बादिब्ला, आइजलजों लोगोसे दर 5 जिल्लाफोरनि खमैब्लाबो दर 234 गामिफोरव आथिखालाव एएसएफनि दोहौजों गोहोम गोखलैदों।

No. SLRC-G-III/91/Advertisement/2023/35

**NOTICE**

In continuation to the Advertisement No. SLRC-G-III/91/Advertisement/2023/2 and subsequent notices No. SLRC-G-III/91/Advertisement/2023/27 and SLRC-G-III/91/Advertisement/2023/33, it is hereby informed to all concerned regarding the marking pattern of the recruitment examinations to be held for the Class-III posts.

WRITTEN EXAMINATIONS				
Posts requiring/Minimum Qualification	Date of Examination	Time of Examination	No. of Questions X marks against each question	Total Marks
HSSLC Level	15-09-2024	10.30 AM to 01.30 PM	150X1	150
Bachelor Degree Level	29-09-2024	09.00 AM to 12.00 Noon	125X1 25X2	175
HSLC Level (for the post of Driver)	29-09-2024	01.30 PM to 04.30 PM	150X1	150

N.B. 1) There will be negative marking for wrong answer. Selecting more than one option of a question will be treated as wrong answer and will be awarded negative marking. The negative marking to be awarded for each wrong answer will be equivalent to 1/4<sup>th</sup> of the mark(s) allotted for that question.

2) Shortlisted Candidates will have to appear for Skill test and other test of 25 Marks. The dates of skill test and modalities shall be notified in due course of time.

Sd/-  
Secretary,  
State Level Recruitment Commission for Class-III Posts, Assam Administrative Staff College, Jawahar Nagar, Khanapara, Guwahati -22

Janasanyog/D/5782/24/15-Sep-24



## नामेबियानि लक्राफोरा मानि थाखाय मुंदांखा आरो मा जाहोनाव हादतआ खैफोदआव गोग्लैदों मिबथिनो गोनां

नामिबियाआ खोला-सोनाब आफ्रिकायाव थानाय दरसे हादत, जाय गावनि गुबुन गुबुन जिब-जुनातफोर आरो मिथिगायारि समायनानि थाखाय मुंदांखा। बे हादतआव गोबां मिथिगायारि सम्पत् दड; नाथाय जर'खायै बेयो लक्रा एबा लिउपार्टिन थाखाय मुंदांखा। नामेबियानिफ्राय भारतआवबो सिताफोरखौ लाबोनाय जादों। मुलुगनाडै नि हागामायाव आथिखालाव 7 रोजानिबो खमसिन लक्रा दसै, जायनि गेजेराव 99 जौखोन्दोनि बांसिन सिताफोर आफ्रिकायाव दड। नाथाय नामेबियानि लक्राफोर मानि थाखाय मुंदांखा बेखौ जौ दिने मिबथिगोन। बे हादतआव मुलुगनि गुबुन हादतफोरनिखुइ बांसिन सिता दड। लोगोसेनो लक्राफोरनि जौलैखौ रेखाथियै फोथाना लाखिनायावबो बेयो मख'जाथाव। नामेबियाआव मा 2000 लक्राफोर दड; जाय अन्जिमाया मुलुगनि गासै सिताफोरनि अन्जिमानि 25 जौखोन्दो। लक्राफोरखौ रेखाथियै थानो खुलि होनायाव नामेबियाआ मख'जाथाव बिहोमा लाखिदों। बेयावनि



गुबुन गुबुन नेशनेल पार्क आरो वाइल्डलाइफ सेन्सु रिफोरा लक्राफोरनि थाखाय गोगो आबहाव आरो सुबिधाफोरखौ होनो हादों, जायनि जाहोनाव लक्राफोरनि अन्जिमायाबो बांबोदों। नामेबियाआव लक्राफोरखौ सरैखाथियै लाखिनायनि थाखाय गोबां आफाद आरो फसंथानफोर हाबा मावो। लक्रा कन्साभेथान फान्ड (सिसिएफ) बायदि आफादफोरा लक्रानि रेखाथि आरो बेफोरनि थारा खुलिखौ रेखाथि होनायनि थाखाय मख'जाथाव हाबा मावो। बेफोर आफादा लक्राफोरनि बागै सांप्रांथि बांहोनाय, सरैखाथि

खालामनाय आरो जायगानि हारिफोरखौ सोलोंथाइ गोनां खालामनायनि खामानि मावो। नामेबियानि दावबायनाय उद्यग एबा टुरिज्म इन्डास्ट्रीयाबो लक्राफोरनि जाहोनाव मुंदांखा। दावबायारिफोरा बेयाव लक्राफोरखौ बिन मिथिगायारि थारा खुलियाव नायनो थाखाय थाडो। बेनि गेजेरजों जायगानि रंखाथि बेय'स्थाय जौगानायनि अनगायै लक्राखौ सरैखाथि होनो नाजानायावबो हेफाजाब मोनो। नामेबियाआव लक्राफोरनि सायाव खालामनाय स्टडि आरो साभंफोराबो बेफोरखौ मुंदांखासिन खालामो। बेयावनि लक्रा संदानग्रा मिरु आरो मुलुग

सोलोंसालिआ लक्राफोरनि आखु, बिसोरनि जिउ खानाय हुदा आरो सरैखाथिनि राहाफोरनि सायाव गोथोयै नायबिजिरो। नामेबियानि लक्राफोरा मुंदांखाबलाबो आरो बे हादतआ लक्राफोरखौ सरैखाथि होनायाव बिहोमा होदोंबलाबो आथिखालाव नामेबियाआ गोब्राव खैफोदजों जुजिनादों। आथिखालाव बेयाव गिखंथाव रनसाव बोथोरजों मोगा-मोगि जानादों। रनसावनायनि जाहोनाव हादतनि 84 जौखोन्दो जाग्रा मुवानि बाखिया गात्रि जालादों। बेयावनि सुबुंफोरा जाग्रा आदारनि जेनाजों मोगा-मोगि जानादों।

## मुलुगनि समायनानि आखायजों लिरनाय हांखो जायखौ कम्पिउटारजों साफायनाय हांखोजों रुजुयोब्ला गोमोनाय मोनगोन



गोबां सुबुंफोरनि आखायजों लिरनाय हांखोया मेशिननि साफायनाय बायदि जोबोद समायना जायो। बेबायदि आखायजों लिरनाय समायना हांखोफोर एबा लिरथिफोर सशेल मिडियाआव गोबां गोसारनायखौ जों नुनो मोनबाय। बेबायदिनो सासे सुबुंनि आखायजों लिरनाय हांखोखौ नुना नेटिजेनफोर बेखौ कम्पिउटारआव टाइप खालामनाय बायदि नुयो होन्नासै कमेन्ट होदों। सोलोंथाइया आथिखालाव जौनि मोनसे एंगारहायै बाहागो आरो जिउखौ समायना खालामनायनि थाखाय मोनसे बिजों। सोलोंथाइनि गेजेरजों फरायसाफोर जिउआव मोजां खामानि मावनो हायो। बेबो मोनसे सैथोदि, आखायजों हांखो लिरनायाबो सोलोंथाइनि मोनसे खोन्दो। मोजां आरो समायनायै हांखो लिरनाया फरायसाफोरखौ जिउआव मोनसे आलादा रोखोमनि थुलुंगा होयो। सशेल मिडियाआव जोबोद गोसारनाय सासे फरायसानि समायना कम्पिउटारआव टाइप खालामनाय बायदि आखायजों लिरनाय हांखोया मुलुगनि बयनिखुइबो समायनानि लिरनाय हांखो महैर गनायजादों। बे हांखोखौ लिरगा फरायसाया नेपालनि सासे फरायसालियाव

फरायबाय थानाय फरायसा। बेनि मुडु जादों प्रकृति मल्ला, जायनि लिरनाय हांखोया फिन खौरांआव गोसारनो हमदों। बियो 16 बोसोर बैसोनि जाबाय आरो नेपालनि सैनिक रलबेल इजनिभासिस्टियाव 10 थाखोयाव फरायो। प्रकृतिताया 14 बोसोर बैसोयावनो गावनि समायना हांखो लिरनायनि जाहोनाव सशेल मिडियाआव गोसारदोंमोन। बनि आखायजों लिरनाय हांखोया मुलुगनि नोजोरखौ गावनि फारसे बोनो हादों। बे फरायसानि समायनायै साफायनाय बायदि आखायजों लिरनाय हांखोखौ नुना सासे सुबुंआ सावगारि सेबखानासै सशेल मिडियाआव शेयार खालामदोंमोन। बेनि उनावनो जोबोद खम समायनो बनि बे लिरनाय हांखोया मुलुगनाडै गोसारो, जायखौ नुनानै बयबो सोमोनादों। हेन्डराइटि एबा आखायजों लिरनाय हांखो जर'खागिरिफोराबो बेखौ नुनानै सोमोनादों। बयबो बनि आखायजों लिरनाय हांखोखौ नुना साफायनाय होनानै बुंदों आरो आखायजों लिरनाय होन्ना फोथानय गोब्राव मोन्दों। थार बाथ्राखौ खोनानानै बयबो बे फरायसाखौ बाख्यादों आरो बनि हांखोखौ सनानि हांखो होन्नासै बाख्यादों। जर'खागिरिफोरा बनि लिरनाय हांखोखौ नुनानै बुंदोंदि, सोदोबनि मोनफ्रोमबो हांखोनि गेजेराव लांदों जायगाया समान आरो एसेबो गोजाँ गहाय नड। बेनिखायनो बनि लिरनाय हांखोखौ नेपालनि अनगायै गासै मुलुगनिनो साबसिन आखायजों लिरनाय हांखो होन्नासै गनायथिनाय जादों। मख'नो गोनांदि प्रकृतिनि लिरनाय हांखोखौ नेपाल सरकार साबसिन लिरनाय हांखो होन्ना गनायदों। बेजों लोगोसेनो प्रकृतिताया गावनि समायना लिरनाय हांखोनि थाखाय नेपालआव गोबां रोखोमनि बान्थाबो देरसारनो हाबाय।

## खर' मोनथाम शिबनि मुसुखा नुनो मोन्नाय एलिफेन्टानि दावबायथाव दन्दर

भारतआव माखासे मख'जाथावसिन जारिमिनारि जायगाफोर दड; जाय जोबोद समायना आरो दावबायहैथाव। बेबादिनो एलिफेन्टाआबो मख'जाथाव दावबायथिलि जायगाफोरनि गेजेराव मोनसे। जेरावनि दन्दरफोरा दावबायारिफोरनि गोसो बोनो हानाय मोनसे गिदिर मिरु। एलिफेन्टा द्वीपआ महारास्ट्रनि मुम्बाइ सहरआव थानाय गेटवे अफ इन्डियानिफ्राय 10 कि:मि: गोजानआव दड। एलिफेन्टाखौ घारापुरि मुडैबो मिथिनाय जायो आरो कंकणी मौर्यनि द्वीपयारि रजथाननिमोन। एलिफेन्टा मुंखौ पुर्तगालिफोर बेयाव बानायनाय अन्थायनि मैदेरनि थाखाय दोन्दोंमोन। बेयाव गोबां देव-देविफोरनि मुसुखा दड। हाजोखौ दानख'नानै बानायनाय



बेफोर मुसुखाआ खोला भारतयारि मुसुखा आरिमुजों थुलुंगाखानाय। बेयाव थाडोब्ला आलादा मुलुगआव सौहैनय बादि मोन्दोंथियो। एलिफेन्टाआव गासै मोन 7 दन्दरफोर दड। गनायजाथावदि, 8 थि जौथायाव बेफोर दन्दरखौ रास्ट्रकुट राजाफोर संदानानै दिहुन्दोंमोन। बेयाव थानाय गाहाइ भगवान शिबखौ गोबां महराव एरखादों। बेफोरनि

थाखाय बेफोर जायगाया जोबोद साबजाथाव। एलिफेन्टा द्वीपआव मोननै गाहाइ हाजो दड; जायनि मुडु गन हिल आरो स्तुप हिल। गन हिलनि मुंखौ बेयाव दोन्नाय ब्रिटिश मुगानि गं 2 कामानफोरनि सायाव दोन्दों आरो स्तुप हिलनि मुंखौ बोड्ड स्तुपनि बायखोन्दा नेसोनफोरनि थाखाय दोन्नाय जादों, जायखौ बैयाव हा जावखानाय समाव मोन्दोंमोन। एलिफेन्टानि दन्दरसिम थानो थाखाय बट एबा नाव सिबिथाय सोलिहोनाय जायो। अदेबानि बे नावआ फुनि 9.00 रिगानिफ्राय साञ्जोफुनि 12.00 रिगानिसिमल' सोलियो। नभेम्बरनिफ्राय मार्च दाननि गेजेराव बेयाव बेरायदिनायनि थाखाय मोजांसिन सम। मानोना बे समाव बोथोर दावबायनायनि थाखाय गहाम जायो।

## रंजालि गथ'फोरनि सौरा

### बिरगोसि सिख्ला

सोरनि थाखाय बावसोमखो नों --  
नोंनि आगोमा जिउखौ ?  
हारिनि रैखानि दावहायाव  
बिगुर गोजा फोरनि बेरेखायै  
सहायै सहायै सोरनि थाखाय लाखो  
थेनायखौ नों गोबोना ?

जानो हागौ-गावजों गाव  
फोथाय लायैखौ खाबु लाना  
इराज फोरनि फाव फान्दायनायाव  
जोनोम हादोरा जागोन थाजोर  
बिगुर गोजाफोरनि राजखुंथाइ ।

जेब्लासिम बिसोरनि राजखुंथाइखौ  
गनायना लाया अब्लासिम  
सोलिबाय थागोन इराजनि उदखार ।

खोनाना गोमाबाय मेगननि निन  
हरसेनि गेजेराव साखा फारा जाना  
गराइ दान्राय लांबाय,  
जोनोम हादोरखौ रैखा खालामनो  
बारसोम हैबाय रोनि थिलिआव ।

दाउफोरा गं बुयै बुयै उराय लांदों  
बाग्दावखंदों-मै अमा मोसा मुफुर लखा  
गिनानै खारगुं जोबदों,  
अखा मोफ्लामनाय बादि दावहा नांदों  
मोदान लायदों धाहाल थुगि ।

अखा खोरमदों अखाडव  
हादि गफंगुंदादों दावहा थिलिआव,  
दावहा नाडै-नाडै दे गांनयाव  
मैगिलनाय सोलेर हालिया थावरिनो  
खारलांबाय सोरमाडव दै लोंनो ।

फोथायखेबस' गुन्जरफोरनि सोलोआव  
खासि बिसिनो दानथार जाबाय,  
सोरमानि दैया थैजों जाहाव लांबाय --  
आय' बिरगोसि सिख्ला  
हारिनि थाखाय नों मुखुं जाबाय ।

हारिनि रैखानि दावहायाव  
आइजो माहारिनि खर'आव  
नोखे खुंगुर जाना मोदानना थाबाय,  
मुगायै मुगा-सल' बाथा बादि  
हारिनि गेजेराव बिरगोसि सिख्ला ।

पबित्र ब्रत दैमारी  
ग'लाघाट

### बोहैथि जिउवा

मालाबा सुखारुनि  
मालाबा दुखारुनि  
जों सुबुं माहारिनि  
बोहैथि जिउवा

-रैदोम बर', बाक्सा

### जाफुडैमोजां मोननाय

हरखाव आं थैलांबोला!  
गुफुर जिजों आंखौ जोखोबनानै  
सलादें सिथला गेजेराव फुधुनानै दोनबोला  
नों! नों नुजाफेथार दे स'ना बारसे बिबार लानानै  
हांमा हांसानि हरनो होत्रानै दानाय आरनाइ फालिखौ  
आंनि गोदोनायाव! आंनि गोदोनायाव नों सोना होफै!

अइ! दागावसै! दागावसै जामबि!  
खोनादोंना? आं! आं गोजोनै थाहैनोसै!  
नों दानिया! दानिया नों मिन खुसियै थानो मोनसिगोन!  
आं! आं आरो नोंखौ हेंथा होनो फिन फेफिनलिया नोंनि  
सेराव!

बेलारोम समाव! बेलारोम समाव जेब्ला  
साननि महरा जारां गाव गायो अबोला  
आंखौ दोनहैगोन गोथैसालियाव हारसिडे  
अब्ला! अब्ला नों खेबसे मिनस्तुनानै बिदाय हरदे सना?  
जाहाते! जाहाते आं गोसोखाहैनो हायो-नोंनि मिनस्तु महरखो  
बै गोदान गामियाव।

गलाप खुंगुर बसुमतारी,  
क'कराझार

### जिउनि फारिलाइ

समनि गोरा फाखनाव  
गावथा हायै आगान  
बिजिर हायै जिउनि खबाम  
जिउआ सानसिसो जाबाय  
सानावनो सांग्रेमा फिसा नुनाय।  
गोजौ गोजौ सिमां नुनायमोन  
जाफुंगोनना जाया बादिसो  
बोथोराबो आंनि नला जाहैबाय  
नंखायनो फोथाय हायै जाबाय।  
मुलुगा बुजि मोनगोन मिथिया  
आंनि गुआर जिउ खबाम  
जिउनि बै फारसे रुगुं सोफेबाय  
आंनि फारिया जोबबोबाय।  
मुलुगानि गोखा गोखै  
संगालिना मोनदों जोबबाय  
बोराबनाय हास्थानाय  
बिजिरना नायोबा मिथिगोन  
आंनि जिउ नि फारिलाइ।

हेमन्त स्वर्गीयारी  
गोदान दिल्ली

### गोथां सिमां

जायखौ खोमानानै  
लंथं जायो  
बेयो  
हांमानि खन्थाइ  
इयुन थांखि  
सोरजि थाइनि  
गोथां सिमां।

सबिराम बर'  
राबां, बाक्सा

## सालबारिनि आवहाता-उरांपारायाव करम फुजा खुंदों

भबानिपुर, 14 सेप्टेम्बर:  
सालबारिनि साखाथि आवहाता-  
उरांपारा, पालसिगुरि, काहिबारी  
बायदि गामिनि आदिबासि हारिनि  
राइजो-राजाफोरनि बान्जायनायाव  
दिने आवहाता-उरांपारा गुदि  
फरायसालि गेलेमु फोथाराव  
आदिबासि हारिनि गोथार फोबों  
करम फुजाखौ सानसेनि गेदेर  
हाबाफारिजों खुंनय जादों।  
सानसेनि हाबाफारियाव  
जागायजेनायावनो करम फुजानि  
फिरफिला बिरोहोयो करम फुजा  
बान्जाय आफादिनि आफादिगिरि  
आर्बनि तिकींआ। बेनि उनावनो  
आदिबासिफोरनि आसारखाथिजों  
सोलिबोनाय नेमखाथिजों करम  
फुजानि हाबाफारिफोरखौ  
आदिबासि हावा-आइजो, सेंग्रा-  
सिख्ला, गथ'साफोर जुथायै खुडो।  
लोगोसेनो गेबलां फोथाराव  
गथ'साफोरनि गेजेराव गेलेमु  
बादायलायनाय, आदिबासिफोरनि  
आसारखाथि बायदि सोलिबोनाय  
करम मोसानाय बादायलायनाय  
खुंनय जायो। साञ्जोफुनिफ्राय  
गेबलां मेल खुंनय जादों। करम  
फुजा बान्जाय आफादिनि नेहाथारि



इमेल तिकींआ सामलायनाय गेबलां  
मेलयाव सालबारि फरायसालिमानि  
लेडाइ गोरारुं डु दुलेन चन्द्र  
बसुमतारिआ गाहाइ आलासि महैर  
बाहागो लाफेनानै बिबुंथि लाफेयो।  
मेलयाव आदिबासि जौगाखों आरो  
अन्साय गौथुमनि लेडाइ बुंथिगिरि  
सुभाष तिकीं, दुलाराय आदिबासि  
फरायसा आफादिनि लेडाइ  
आफादिगिरि रजु तिकीं, फोसावदि  
नेहाथारि मानसुक चानकारीका,  
आजिरा मोनाय फोरेंगिरि आरो

जर'खा समाज सिबियारि पनिधर  
कलिता, बैसो जानाय समाज  
सिबियारि मारिउस तिकींमोनहा  
जर'खा आलासि महैर करम  
फुजानि सोमोन्दे बिबुंथि लाखियो।  
मेलखौ लोब्बा लानानै गोबां  
अन्जिमानि आदिबासि सेंग्रा-  
सिख्ला आरो हावा-आइजोफोरा  
आदिबासि हारियारि झुमुर मोसाना  
दिन्थियो। जायनि उनाव  
मोनाबिलियाव आदिबासि जौगाखों  
आरो अन्साय गौथुमनि लेडाइ

बुंथिगिरि सुभाष तिकींआ करमखौ  
फोजावहरो। मख'नो गोनादि,  
आवहाता-उरांपारायाव आदिबासि  
हारियारिनि करम फुजा  
खुंफुसालियाव आदिबासि हारिनि  
अनगायैबो बर', असमीया, कच  
रजबंसि, असमीया, बाडालि, राभा  
हारिनि सुबुंफोर फैनानै करम फुजा  
खुंनयखौ जाफुंसार होफेदों।  
मख'नो गोनादि, बे फुजा फोबों  
खुंनय जायगाया मोनसे हारियारि  
गोरोबथिलिसिम महर मोन्दों।



## अरुनदय ३.० आरो माहारियारि आदार रैखाथिनि सोमोन्दै भिड्डिअ केम्फारेन्सिनि गेजेरजौं गिबि मन्श्रिआ गोनांथार जथुम खुंदौं

लानाय जादौं होन्ना मख 'नानै बेनि सोमोन्दै मन्श्रि, एमपि, एमएलए आरो जिल्ला बेंगिरिफोरनिफ़्राय सोंजियाे मोजां बोसोन होनार्यनि थाखाय खावलायो। बिथाड बूंदौदि, आगुनि बिधान सभा बियाबफोरनि सोलायै थानाय संसदारि बिसायख 'थिनि उननिफ़्राय जौगाखाडारि बिथांखिनि खामानि–दामानिफोरखौं गौदानै दाफुंजनाय बिधान सभा बियाबनि ओन्सोल मिरु खालामनो थांखि आजावनाय जादौं। जेरव बियाबआसो सोलायनाय जादौं नाथाय एमएलएआ सोलायजायाखै बेनि थाखायनो सासे एमएलएनि खामानिखौ मोन्नै एबा बेनिखुइ बांसिन बिधान सभा बियाबनि सिंसिम फेहेरजागोन। बिथाड बुंदौदि, अरुन्दय बिथांखिखौ आदारजौं लोगोसे फोनांजाबनार्यनि थांखि आजावनाय जागोन आरो रसेन कार्डै थनाय सुबुंफोरसो अरुन्दय बिथांखियाव थिसनफ़ाजगोन। आगुनि गावपन्चायत ओन्सोलफोरव गथायनाय बे बिथांखिखौ आधिखालाव भट मिरु ओन्सोलफोरसिम फेहेरनाय जागोन। रसेन कार्डनि थाखाय नख 'रनि बोसोरारि आर्जिनार्यनि सिमनाया ४ लाख रं आरो अरुन्दयआव थिसन जानार्यनि थाखाय बोसोरारि आर्जिनार्यनि सिमनायाव २ लाख रं थि खालामनार्यनि बाश्राखौ फोरसायनानै गिबि मन्श्रिआ जथुमयाव मुलाम्फारियारि सायख 'नार्यनि बिथिडव समान गथायनायाव गोनांथि होनो नांजाबफा बिफानखौं खावलायदौं। जिल्ला बेंगिरिफोरनि आफादगिरि सामलायथायाव दाजानो गोनां दिल्ली थाखौनि नायसंरा आफाद दानार्यनि बिथिडव दिथांगिरि मन्श्रिफोरखौ नगंगौबायदि बोसोन होनो बिथाड बुडे। सरसनस्त्रा सुबुंफोरखौ बिथांखि मोनैनि सोमोन्दै मिबथिनार्यनि थाखाय जायगानि रवआव फोसावदिनार्यनि रहा खालामनो बिथाड जथुमयाव मख'दौं। आदार रेखांथि बिथांखि आरो अरुन्दय ३.० बिथांखिनि सिडव मोन्नो हाथाव मुलाम्फारियारि सायख 'नाय, नायसंरा आफाद दानाय, जिल्ला बिथायाव गोदान मुलाम्फारियारि थिसनाय बायदिनि सोमोन्दै जथुमयाव आदार आरो सिथिल जगार्यथाय बिफाननि लेडइ गहाइ नेहाथारि बिस्व रन्जन चामाल आरो रंखान्थि बिफाननि कमिसनार नेहाथारि जयन्त नालिकाग साखा–फारा जानार्यनि सोमोन्दै मोनसे फोरसार्यथि बिबुंधि लाखियो। दिनैनि जथुमयाव आसाम सरकारनि मन्श्रि गौथुम, माखासे एमपि, एमएलएफोरनि अनगार्यैबो गहाइ नेहाथारि ७ रबि कता, गिबि मन्श्रिनि गहाइ नेहाथारि ७ के. के. द्विवेदीमोजां लोगोसे माखासे गागि बिबानगिरिफोर बाहागो लाफैदौं।□

## उदालगुरियाव बारग' एनडिएफबिनि खुंगा ३६थि मुंख्लं सान फालिदौं

लानानै सोमावसारनो आंखास्राय बारग' एनडिएफबिनि सासे राफोद सोद्रोमा बि.बांबुरगोरया थानाय १९८८ माइथायनि १४ सेप्टेम्बर थामहिनबा दिदैनि सानआवनो हारिनि थाखाय गावनि बेसेन गोसा जिउखौं सुधुरनि आखायाव खोमानांदौं। बारग' एनडिएफबिनि गिबि मुंख्लं हिसाबै जोहोलाव मुंख्लं बि. बांबुरगराएनि थेनाय सानखौं बारग' एनडिएफविआ बोसोरफ़ोमबो आफादिनि मुंख्लं सान महैर फालिबोदौं। सिगां बोसोरआव बिबिबोनाय बायदिनो दिनैबो उदालगुरि जिल्लानि सिडव थानाय काजियामाति थुलुंगा फोथाराव सानसेनि मेहेर गोनां हाबाफारिनि गेजेरजौं बारग' एनडिएफबिनि ३६थि मुंख्लं सानखौं फालिनाय जादौं। दिनैनि बे मुंख्लं सान फालिनायनि हाबाफारि बायदिन्यै फुंब्विलि समाव जोहोलाव मुंख्लं बि. बांबुर गोरांनि सायाव बिबार बाउनाय हाबाफारिखौ मावफुनानै होयो बिटिआरनि लेडइ गहाइ मावफुं सोद्रोमा एबा उदालगुरि बिधान सभा बियाबनि एमएलए गबिन्द चन्द्र बसुमतारिआ। फुंब्विलिनि बिबार बाउनाय हाबाफारियाव बग्सा बिधान सभा बियाबनि एमएलए बूपेन बर', बिटिआरनि मावफुं सोद्रोमा रन्जित बसुमतारि, मुंख्लं जोहोलावनि नख 'रनि सोद्रोमाफोर, साहित्य अकाडेमि बान्था मोनगिरि नन्देस्वर दैमारि आरो गुबुन गुबुन आफाद गौथुमनि दैदनगिरि, बारग' एनडिएफबिनि दैदनगिरि–सोद्रोमाफोरजौं लोगोसे ओन्सोलनि मेलेम जिबिफोरबो बाहागो लानानै मुंख्लं बांबुर गोरानि मुसुखायाव बिबारजौं मान बाउदौं। दिनैनि मुंख्लं सान फालिनाय हाबाफारिजौं लोम्बा लाखिनानै सानौफु समाव मोनसे गेजेरजौं सोद्रोमा प्रमद बर'आ। दिनैनि बे बारग' एनडिएफबिनि ३६थि मुंख्लं सान फालिनाय हाबाफारियावनो माननि आलासि महैर दुलाराय बर' फरायसा आफादिनि आफादगिरि दिपेन बर', बर' थुनलाइ आफादिनि गहाइ नेहाथारि निलकान्त ग्यारि, एमएलए लरेन्स इस्लारि, एमएलए जिल बसुमतारि, बिटिआरनि मावफुं सोद्रोमाफोर ७ निलुत स्वर्गियारि, उइल्सन हास्टा, दावबाइसा बर', एमसिएलए माधब चेन्नि, दाराग' एनडिएफबिनि दैदनगिरि सुनिल ब्रह्म, टिसिएलसिसिनि मासिगिरि रुजुगोर मुसाहारि, उदलगुरि जिल्ला बुलाराय बर' फरायसा आफादिनि आफादगिरि करनिल्यास दैमारि, बारग' एनडिएफबिनि दैदनगिरि आरो सोद्रोमाफोरजौं लोगोसे ओन्सोलनि गोबां मेलेम जिबि, सानसुधै रइजो–रजाफोरनि बाहागो लानायजौं दिने बे मुंख्लं सान फालिनाय हाबाफारिया जाफुंसरै जोबलाडे।□

### बिटिसिनि गहाइ मावफुं सोद्रोमाया

### आसामनि रइज्यो बेंगिरिखौ लोगो हमदौं

हमदौं। बे बुब्बिआवनो बिटिआरनि गहाइ खुंगिरिआ रइज्यो बेंगिरि आचार्यजौं बिटिआरनि सोलिफु थसारिनि बागै माखासे गोनां बाश्राफोर, जैरे बिटिआर हालामनि हारि–हारिसा, रव, धोरेम, हारिमु, दोरोडारि, मिधिंगार्यारि सम्पद आरो जौगाथाइ थारसारिनि सायाव गुवारै सावरयज्जालयदौं। लोगोसे कक्राझार दावबायफेनो थाखाय बिटिआरनि गहाइ खुंगिरिआ खावलायनाय बायदियै रइज्यो बेंगिरि आचार्यंआ फँगौ २१ सेप्टेम्बरखालि कक्राझारनि बड 'फा कार्लोवलि कमप्लेक्सआव गोजोननि हारियाग्यारि सान फालिनाय हाबाफारियाव बाहागो लाफैगोनखौ रोखायै मिबथि होयो। बे आयदानि सायाव बिटिआरनि गहाइ खुंगिरिआ मिबथि होदौंदि, फँगौ २१ सेप्टेम्बरखालि कक्राझारनि बड 'फा कार्लोवलि कमप्लेक्सआव खुंनो लानाय हारियाग्यारि गोजोन सान फालिनाय हाबाफारियाव बाहागो लानो जौनि हंआखयायखौ मान गोनां रइज्यो बेंगिरिआ अनार्यथिदौं। गोजोननि नोगोर कक्राझारआव रइज्यो बेंगिरिखौ मेहेर गोनोडे बरयनो थाखाय जौं थांखि लानाय जादौं होन्नानै गहाइ खुंगिरिआ फोरमायो। आसामनि रइज्यो बेंगिरि बिबान आजावनार्यनि उनार लक्ष्मन आचार्यनि बेनो गिबि खेब कक्राझार दावबायफेनाय जागोन।□

## नाग्रिजुलि साहा बागानाव उडिया हारिनि नुवाखाइ रंमन्च भवननि अन्थाइ खाम्फा गायसन्दौं

मिरु गायसन्दौं। उडिया सुबुंफोरनि रव–थुनलाइजौं बुंफबनाय नुवाखाइया मोनसे गिगिरि फोबां। नाथाय उडियाफोरनि बे फोबां खुंनो थाखाय मोनसेबो मोजां जौसां गैया। उडियाफोरनि दोरोडरि फोबाइ फोबांखौ जाहाथे बोसोरफ़ोमबो मोजाडे फालिनाय उडियाफोरनि कूरिट–हारिमुखौं फोथानै लाखिनो हायो बेनि थाखाय बिटिसि सरकारनिफ़्राय रहा लानो थांखि लादौं। दिनै नाग्रिजुलि साहा बागानाव नुवाखाइ रंमन्चनि अन्थाइ खाम्फा गायसन्नाय जायो। लोगोसे बे भवननि लुनाय हाबाया मोजाडेनो जाफुगोन होन्नानै मिजिंधियाय फोरमायो बिटिसिनि गहाइ मावफुं सोद्रोमा प्रमद बर'आ। उडिया हारिनि जौगाथारजौं लोगोसे हारिनि दोरोडरि नुवाखाइ फोबां खुंनो थाखाय नुवाखाइ रंमन्च भवन लुनो थाखाय प्रमद बर'आ लानाय थारिखौ बरयनार्यजौं लोगोसे साबायख 'र जासिहयो आसाम उडिया लाइमोन फरायसा आफादिनि आफादगिरि लक्ष्मीधर तान्ति आरो हारिनि दैदनगिरिफोर। आसाम उडिया लाइमोन फरायसा आफादिनि आफादगिरि लक्ष्मीधर तान्तिआ मिथिहोनाय बादिब्बा, गासै ५० लाख रं बाहायनानै लुनो गोनां रंमन्च भवनआ उडिया हारिनि नेसौन्थिजौं लुफुंजागोन। दिनैनि अन्थाइ काम्फा गायसन्नाय हाबाफारिव बाक्सा जिल्ला उडिया लाइमोन फरायसा आफादिनि आफादगिरि ररुंज लहा, उदालगुरि जिल्ला आफादिनि आफादगिरि सुरेन बाग, नाग्रिजुलि दखार आफादिनि आफादगिरि सौसानन्द तान्तिजौं लोगोसे गोबां रइजो–रजाफोर बाहागो लायो।□

### कक्लाबारि सापागुरियावबो बारग' एनडिएफबिनि ३६थि मुंख्लं सान फालिदौं

फुंब्विलि समाव गोसोम फिरफिला बिबोनाय हाबाफारिया गेजेरजौं जागायो आरो गोसोम फिरफिला बिबेहोनाय हाबाफारियाव आलासि महैर बाहागो लाफेनानै मावफुंनानै एन.के बेतबारि गोजौ फरायसालिनि बारग' गहाइ फोरोंगिरि मतिन्द्र दैमारिआ। लोगोसेनो मुंख्लंफोरनि गोसोखां खाम्फायाव आलारि बाथि फोजौं जेनगिरि आरो बिबार बाउजेनगिरि महैर बाहागो लानानै मावफुंनानै होयो बरधाम्ना गेजेर फरायसालिनि गहाइ फोरोंगिरि अमितेस्वर लाहारिआ। मुंख्लं नख 'रनि सोद्रोमाफोरनो दिनैनि बे मुंख्लं सान फालिनाय हाबाफारिनि गेजेरजौं मान बाउनाय जादौं। अदेबानि कक्लाबारि सापागुरिनि बारग' एनडिएफबिनि बान्जाया गावसोदनि बियाबनि सिडव थानाय मुखं नख 'रनि सोद्रोमाफोरखौ हंआखयनानै मान बाउनाय जादौं आरो बे हाबाफारिखौ मेहेर गोनाडे मावफुंनानै होलांनो थाखाय मान बाउजेनगिरि आलासि महैर बाहागो लायो एन.के बेतबारि गोजौ फरायसालिनि लोगो फोरोंगिरि बालिका नाजारिआ। एन.के बेतबारि गोजौ फरायसालिनि बारग' गहाइ फोरोंगिरि मातिन्द्र दैमारिआ फोरमायनाय बायदिब्बा, कक्लाबारि सापागुरि बियाबनि सिडव थानाय गासैबो मुंख्लं नख 'रफोर दिनैसिमबो सरकारनिफ़्राय मोन्गोअे अन्सुथाइखौ मोन्नो हायाखै। बेनिखायनो मुंख्लं नख 'रफोरनो अन्सुथाइखौ मोनहोनांगौनि थाखाय सावरयनाय गेजेरजौं मोनसे थि थांखि लानाय जागोन। थंनाय सपफोरवबो मुंख्लं नख 'रफोर बारग' एनडिएफबिनि दैदनगिरिफोरजौं लोगो हमनानै सावरयदौंब्बाबो मोन्गौगौ अन्सुथाइखौ मोन्नो हायाखै होन्नानै बिथाड फोरमायो।□

## बिपिएफनि एमसिएलए दनेस्वर ग्यारिआ इउर्पिएम दोलोयाव हाबगोन होन्नानै समाजारि बिजौंआव रंखाय फोसावदौं

आरो बेनिफ़्रायनो मोनसे सावगारिखौ इउपिएएल दोलोनि माखासे सोद्रोमाफोर भाइरल खालामनानै बिपिएफनि दैदनगिरि दनेस्वर ग्यारीआ फँगौ २०२५ माइथायाव खुंनो गोनां बिटिसि बिसायख 'थि जेन्गोंगोनखौ गिनानै इउपिएएल दोलोयाव हाबनो थाखाय बिटिसिनि गहाइ मावफुं सोद्रोमा प्रमद बर'जौं सावरयलायदौं होन्नानै सावरयजायो। खाबं बिजौंनि सिग्राडव बिपिएफनि दैदनगिरि दनेस्वर ग्यारीआ समाजारि बिजौंआव बे बायदि गोनो–गोथो पर्ट होनाय आरो भाइरल खालामग्राफोरखौ गोखौं रवजौं सोंखारिानै जाय सावगारिखौ भाइरल खालामदौं बे सावगारिया थानाय २०२१ माइथायनो मोनसे गोजाम सावगारि होन्नानै बिथाड मिथिहोयो। मख 'नो गोनांदि, कक्राझार सरकारि फरायसालिमायाव बड 'फा उपेन्द्र नाथ ब्रह्मनि मोनसे मुसुखाखौ बिटिसिनि गहाइ मावफुं सोद्रोमा प्रमद बर'आ बेखेवदोंमोन आरो बे हाबाफारियाव दनेस्वर ग्यारीआबो बाहगो लादोंमोन। बे गोदाम सावगारिखौ लानानै माखासे सुबुंफोर खौगं फोसावदौं। बेनिखायनो बे बायदि नंखाय बाश्राखौ फोसावनायनि सायाव गोखौं फिनजाथाय होन्नानै गोनांथि जायोब्बा बिजिस्सालिनि रहा लागोन होन्नानैबो हुमखि होयो। कक्राझार सहरआव थानाय गावनि न 'याव बिथायाव कौरंगिरि मेल खुंनानै बिपिएफनि दैदनगिरि दनेस्वर ग्यारीआ इउपिएएल दोलोयाव जगदान जानार्यनि बाश्राखौ सनाखो। थंनाय लक सभा बिसायख 'थियाव बाउखुंग्रि बिटिसि बियाबव बिपिएफ दोलोया १९ रेजा भट मोन्दौं आरो इउपिएएलआ १४ रेजाल' भट मोन्नो हादौं आरो बनिनो बिजेपिआ खावसेल' भट मोन्नो हादौं होन्नानै बिथाड बुडे। बिजेपिआ बे खेबाव हारसिडे बिसायख 'थि गेलेनो फोसावदौं बेनिखायनो इउपिएएल दोलोया गासै ७–८ रेजा भटल' मोन्नो हागोन। अदेबानि बाउखुंग्रि बियाबव बिपिएफआ देरहासरागोन, बाउखुंग्रि बिटिसि बियाबव रइजो–रजाफोर बिपिएफजौं दड', बे बियाबव गुबुन मोनसेबो दोलोया बिपिएफखौ फेजेन्नो हाया। बेनिखायनो इउपिएएलआ बे बायदि गोनो–गोथो सोमजिहोनो नंखाय बा–न्याखौ फिन खेबसेवाव फोसावनार्यनिफ़्राय जानगारव थानो हमखि होयो। फँगौ २०२५ बिटिसि बिसायख 'थियाव बिपिएफ दोलोया देरहागोन होन्ना दाबि खालामनानै दनेस्वर ग्यारीआ एक्सुनि आफादगिरि दिपेन बर'आ इउपिएएल आरो बिपिएफ दोलोया 'ज' जानो थाखाय खावलायहनार्यनि सोमोन्दै दनेस्वर ग्यारीआ बे बिथिहाव म्बाफोर दावगादौंब्बा बिथाड मिथियो हान्नानै बुडे। 'ज' जाल्ला मोजां जायो होन्ना मख 'नानै दारिमि बे बिथिडव मोननैबो दोलोनि गेजेरव म्बाफोर दावगादौं होन्नानै बिथाड मिथियाखै मानोना दासानिद मोननैबो दोलोया गाव–गावनि दोलोयारि खामानिफोरखौ दावगोहनो थाखाय हाबाफारि खुबोगासिनो दं होन्नानै बिथाड बुडे। एबसुआ मोनसे माहारियारि आफाद, बेनिखायनो बिसोरनि सानाय–हनार्यखौ मान होनाया मोजां, नाथाय एबसुआ बेनि थाखाय फमुंला बानायनांगोन। अदेबानि बिजेपिजौं थानानै रसमलाइ जानो मोननाय खाबुखौ गारनानै 'ज' जानो प्रमद बर'आ दावगाबोगोन बेयो सन्देह मोन्नो होन्नानै बिपिएफनि दैदनगिरि दनेस्वर ग्यारीआ फोरमायो।□

### सनापुराव होखारस्त्रांनय जाथार्यनि हेथायै वाक्साणि कालपानीयाव एबिएमसुआ सोमावसादौं

गुबुन ओन्सोलजौं लोगोसे बाक्सा जिल्ला सालबारि महकमानि कालपानीयाव एबिएमसुनि मिरु आफादिनि विथान बायदियै सलाबारि जिल्ला एबिएमसुआ हेंथा सोमावसारनाय हाबाफारि खुडे। एबिएमसुनि मावफारियाफोर मानास माहारियारि पार्क नंजाबफा लामाखौ होबथानानै बिजेपि सरकार हाय–हाय, हिमन्त बिस्व शर्मा मुर्दबाद, आसाम पुलिस हाय–हाय, होखारस्त्रांनार्यनि उनार इगारै गाल्लोबनायखौ सहार्यनाय नख बायदि स्ल'गान होन्नानै थारसरिखौ गोमखं होयो। एबिएमसुनि मावफारियाफोर कालपानी हाथाइआव लामा हन्जा सुत्ताय, लामायाव मेल खुंनानै बिजेपि सरकारखौ सोंखारियो एबिएमसुनि दैदनगिरिफोर। हेंथा सोमावसारनाय हाबाफारियाव एबिएमसुनि लेडइ आफदगिरि अनाल हक, सोलौंथाय नेहाथारि उद्दहनुक, आफादारि नेहाथारि साइजुदिन खन्डकारआ सरकार, रइज्याखौ सोंखारिानै होखारनाय सुबुंफोरनो नंगौ बायदि ख'हा सुफुनायजौं लोगोसे फिन फसैफिनो दाबि देख्दौं। जायनि अनगारै फँगौ सानफेरव गोखौं सोमावसारनो एबिएमसुनि दैदनगिरि आफादआ हुमखि होयो।□

### कक्राझारनि भतगावयाव एबिएमसुनि मिरु मावखुलियाव सोमावसारनाय हाबाफारि खुंदौं

सोमावसारनाय हाबाफारि खुंदौं। मख 'नो गोनांदि, कक्राझार जिल्ला एबिएमसुनि बान्जायनायाव कक्राझारव थानाय एबिएमसुनि मिरु मावखुलि बि भतगावआव हेंथा सोमावसारनाय हाबाफारि खुंदौं। सोमावसारनायाव बाहागो लानाय एबिएमसुनि गोजौ थाखौनि दैदनगिरिआ गुरुकुति, नगाव, काजिरडानि उनार बे खेबाव कसुतलियाव सुबुंधि नडेजौं होखास्त्रांनाय हाबाफारि लादौं। दाय गैयैफोरखौ गुलि गावदौं। गिबि मन्श्रि महैर 'ऊ हिमन्त बिस्व शर्माआ बिबान लानार्यनि उननिफ़्राय दोरोमारि माइनरिदि रइजो–रजाफोर रेखाथि गैयैजौं भुगिनांदौं होन्ना सुलुडव फोरमायदौं।□

### बासुगावआव बिजेपिनि दोलोयारि हाबाफारियाव एमपि दिलिप शइकियाआ बाहागो लादौं

नाथाय बिसरो बेखौ खालामा आरो बिसोरनिफ़्राय बे बायदि मिजिंधियाबो गोरोन्थि जागोन होन्नानै एमपि शइकियाआ बुडे। गुबुन फासैंथि, एमपिआ बिटिसि बिसायख 'थिनि सोमोन्दै बुडेदि, फँगौ २०२५ माइथायनि बिटिसि बिसायख 'थियावल' नड बेनि सिगानिफ़्रायनो बिटिसि बिसायख 'थियाव बिजेपिआ हारसिडे बिसायख 'थि गेलेबोदौं। बिजेपि दोलोल' नड गासैबो रजखांथियारि दोलोफोर जुथाय हन्जानि सरकार दावदौंब्बाबो गाव–गावनि दोलोखौ गोखोडे लाखिलांनो खामानि माफुंलादे। मोनसेबो दोलोजौं सुधुर सानखि लायै बिजेपि दोलोया दोलोयारि खामानिखौ मावबोदौं। दासानिद हादत नाडेनो बिजेपि दोलोनि सोद्रोमा थिसनाय हाबाफारिया सोलिगासिनो दं। बेजौं लोम्बा लाखिनानै निवर्ग जिल्लायवा से लाख गोदान थिसन्थायनि थांखि लानानै खामानि मावागसिनो दं। बेनिनि गासै ४० रेजा सुबुंफोर म्बाइल फननि गेजेरजौं मिसकल खालामनानै सोद्रोमानि मासि आजावदौं होन्नानै बिथाड बुडे।□

### रौतायाव २३ नं. बेटेलियन एस एस वि नि सिवस्त्रांनाय हाबाफारि

हाबाफारिखौ बेखेवनाय बुब्बिआव ७ निलुत स्वर्गियारिआ बुंदौंदि, जौंनि सोलिफु बिटिआर सरकारआ बिटिआर हालामयखौ मोनसे साखोन–सिखोन आरो सोमखोर हालाम गायसन्नो थाखाय बायदि–बायदि बिथांखि जागयनानै खामानि मावागसिनो दड। आवहवाखौ गोग्गो आरो सोमखोर लाखिनायाव जौंनि साफ़ोमबो नोगोरारिफोरगोन गोनांथार बिफाव दड। आवहवाखौ गोग्गो आरो सोमखोर लाखिनाया थारसरिखौ समायना नहोनायनि थाखायल' नड, बबेखानि बेयो जिब माहारिनि गोग्गो देहा, गोग्गो समाज आरो मेलेमारि गात्रि सान्नाय–हनार्यखौबो गोग्गो आरो गोथार लाखियो। सुबुं साखोन–सिखोन खालामनाया जिउनि गुनखौ लाखिनाहोनो हायो आरो जौंनि सोरगिदि जायगखौ साखोन–सिखोन लाखिनाया जौंनि मावनां बिबान होन्नानै मावफुं सोद्रोमा ७ स्वर्गियारिआ गावनि बिबुंधियाव फोरमायवावो। दिनैनि बे साखोन–सिखोन हाबाफारियावनो २३ नं. एसएसबिनि कामान्हेड एसके अर्धद्विजाजौं लोगोसे गोवां सन्श्रिफोरबो बाहागो लाफादोंमोन।□

## डि आसाम ट्रिबुन डाइलग २०२४ आरो आर.जि. बरुवा गोसोखांन्थि बान्था गथायनार्यनि बेखेवनाय हाबाफारि खुंदौं

लानानै गिबि मन्श्रि ७ शर्मांआ बुंदौंदि, हादतनि गासै ओन्सोलनिफ़्राय अन्सायजानो हनाय दरसे आसामनि बिथाड बिथांखि लायो आरो हादतनि रजखान्थि, रंखान्थि, हारिमु आरो गेलेमु बिथिडव मोनसे गोहोमथि गोनां बिफाव आजावना लानो हनाय बायदि आसामखौ जौगाखां होनार्यनि बिथिडव रइज्योनि गिबि मन्श्रि महैर बिथाड मिजिंधिजनायय गासेखौबो दिन्थिदौं। गिबि मन्श्रिआ बुंदौंदि, आधिखालिनि सभाव आसामआ मिरुनि स्टार्ट आप इन्डिया स्टेट रेंकिंग 'क' थाखोयाव गोजौ थाखोनि रइज्यो महैर बिमुं मोन्नो हादौं। हादतनि गुबुन गुबुन रंखांन्थियारि इनडेक्सफोरव जाहाथे रइज्योआ गोनांथार जायगा मोन्नो हायो बे बिथिडवबो रइज्यो सरकारआ खामानि मावागसिनो दड होन्नानैबो बिथाड बुंवावदौं। बिथाड लोगोसे मख 'दौंदि, आधिखालाव आयेन–आबुंधिआ मोजां जानायाव रइज्योआ आधिखालाव फँगौ १० बोसोरारि गुबुन दरसे गोखौं रइज्यो महैर सोंजिजानार्यनि बिथिडव सौहैदौं। थानाय १५ आस्ट्युव हादतनि उदांसि सान खुनार्यनि सिगां सभाव उतखारि आफादफोरनि गेजेरव रइज्योनि गुबुन गुबुन जायगायाव बमा दोनार्यनि बाश्राखौ मख 'नानै गिबि मन्श्रिआ आलफा ( उदं)नि गहाइखौ बेबायदि खामानिखौ मावयैनि थाखाय खावलायो। बिथाड बुंदुंदि, हिसार्यारि उतखार जाथाय सोमजिहोनाय बेबायदि जायख–जाया खामानिया रइज्योनि लाइमोन समाजनि गाव फोथयनायाव गात्रि गोहोम खोख्लेयो आरो रइज्योनि गोखै जौगाखानार्यनि बिहुंथिखौ होबथायो। बेनि अनगार्यैबो रइज्योनि सरगनस्त्रा सुबुंफोरनि जिउ आरो सम्पतिनि फारसेबो बेबायदि खामानिया गिखां होयो। हाबाफारिनि बिबुंधि होनायाव रइज्योनि जौगाखानाय बिथिडव आधिखालनि रइज्यो सरकारआ गुबुन गुबुन थांखि लानार्यनि बाश्राखौ मख 'नानै गिबि मन्श्रिआ बुंदुंदि, आधिखालनि रइज्यो सरकारआ गोदान सोंजिनार्यजौं गोहो आर्जिनार्याव जौबोद गोनांथि होदौं आरो बेनि बिथियावबो ३ रेजा मेगाअट सलार गोहो दिदुहनाय बिथांखि गायसन्नार्यनि बिथिडव सिगांदौं। बेनि अनगार्यैबो रइज्यो सरकारआ गुदि–बिथा लुनार्यनि बिथिडवबो थांखि लानार्यनि बाश्राखौ मख 'नानै बिथाड बुंदौंदि, इलेक्ट्रिक गारि, उरां जाहाज हान्था–मेला, अखांमा बिरोंदामिन, सेमि कन्डाक्टर बायदि खोन्दोफोरवबो आसामनि गोखौं थाथार्यनि थाखाय रइज्यो सरकारआ खामानि मावागसिनो दड। गुबुन फारसे, हाबाफारियाव जर'खा समाज सिबियारि, रइज्योनि खौरं बिलाइ उद्यगनि गुबुन सासे गोजौ थाखोनि सुबुंधि रधा गबिन्द बरुवानिमिफोरबौंजौं मान बाउनानै गिबि मन्श्रि ७ शर्मांआ बुंदुंदि, आसामनि गेलेमु आरो रंखान्थि–समाजारि बिथिडव बिथाड जर'खा बिहोमा होलांदौं। गुवाहाटी गेलेमु आफाद, आसाम फुब्रल आफाद, आसाम क्रिकेट आफाद, नेहरु स्टेडियम आरो गुबुन गुबुन बिथाडव लोम्बा थानानै गेलेमु आरो हारिमुवारि बिथिडव बिहोमा होलानाया रधा गबिन्द बरुवाआ १९५२ माइथायाव गुवाहाटीआव गिबि रइजोआरि बिथिडव होन्ना मख 'नानै बिथाड बुंदुंदि, रधा गबिन्द बरुवाआ रइज्योनि खौरं बिलाइ उद्यगनि जाय गोखौं दिन्थिरिमिनो। रधा गबिन्द बरुवाआ १९३९ माइथायाव डि आसाम ट्रिबुनखौ बेखेवजेनार्यनि बाश्राखौ मख 'नानै मख 'नानै ७ शर्मांआ बुंदुंदि, सपनि फाखनाव बे खौरं बिलाइआ आधिखालाव रइज्योनि खौरंगिरि आरो हारिमुवारि जारिमिनि नागारजायै बाहागो जादौं। रधा गबिन्द बरुवानि सान्नाय–हनार्य आरो खामानिया बिथांनि सहज उद्यगारि गोसो आरो रंगौंथरनि सिनायथि सोंजिदौं होन्ना मख 'नानै गिबि मन्श्रिआ बुंदुंदि, बे समाव आसामनि सोलौंथाइ गोनांनि हार बाडधथारमो आओ जायगारि उद्यगनि अन्जिमान्ना बाडधथारमो होन्ना बे समावनो बिथाड डि आसाम ट्रिबुन बादि मोनसे खौरं बिलाइखौ जेोनम होदोंमोन। गांसे सप्ताहयारि खौरं बिलाइ महैर बेखेवजेनाय बे खौरं बिलाइखौ ६ बोसोरनि गेजेरवनो बिथाड ट्रिङ्गगुनिफ़्रय गुवाहाटीसिम सोलायनानै खौनि बिलाइखौ गंसे सानसेयारि खौरं बिलाडसिम महर होदोंमोन। रंसारि रधा गबिन्द बरुवानि जिउ आरो खामानिनि गेजेरजौं रइज्योनि गोदान जौलेआ सोलौंनगौ गोवां फुंखा डडहोन्ना मख 'नानै गिबि मन्श्रिआ बुडोदि, रधा गबिन्द बरुवाआ रइज्योनि खौरं बिलाइ उद्यगनि जाय गोखौं बिथा गायसनलांदौं बेनि जाफुंसारनायखौ आधिखालाव रइजोआ मोनगासिनो दड। गिबि मन्श्रिआ हाबाफारियाव आसामनि खौरं बिलाइ उद्यगनि गोलाव जारिमिन आरो जारिमिनि बाश्राखौ मख 'दौं। गिबि मन्श्रिआ लोगोसे बुंदुंदि, भारतनि उदांसि सोमावसारनायाव आसामनि खौरं बिलाइफोर मोनसे गोनांथार बिफाव आजावबोंदोंमोन। बे खौरं बिलाइफोर लान्थिये रइज्योनि समाजारि, रजखान्थियारि आरो रंखांन्थियारि थारसरिखौ फोसावदौंमोन। गिबि मन्श्रिआ बुंदुंदि, भारतनि उदांसि सोमावसारनार्यनि गोनांथार थाखोयाव डि आसाम ट्रिबुनखौ सान्नाय सुबुंफोरखौ जांखिथाय होनार्यनि बिथिडव मोनसे गोखौं आजावदोंमोन। आसामखौ सान्जा पाकिस्तानजौं फेनांजवावनार्यनि थांखिजौं ब्रिटिस केबनेट मिसनआ युपिनि गेजेरजौं जाय थांखि लानो नागिरदोंमोन बेनि हेथार्ये लकप्रिय गपिनाथ बदलेआ लानाय बिफावखौ खौरं बिलाइआ हेफाजव होदोंमोन। बिथाड बुंदौंदि, सादुल्ला सरकारनि हा नेमखान्थिखौबो डि आसाम ट्रिबुल खौरं बिलाइआ हेथा होदोंमोन। बे हा खान्थिनि गेजेरजौं मैमन सिं, रंपु आरो सान्जा बेर्कालनि गुबुन जिल्लानि सुबुंफोरखौ आसामसिम लाबोनानै फसंफेनार्यनि बिथांखि लानाय जादोंमोन होन्नानैबो बिथाड बुडे। सादुल्ला सरकारआ दार्यनिगिरि केस थिसनानैबो खौरं बिलाइखौ लोरबां खालामनो हायाखै होन्ना बिथाड बुंदौंदि, १९७५ माइथायाव इमार्जिनस् थारखोयाव मिरु आरो रइज्यो सरकारआ जाय नेमखान्थि आजावना लादोंमोन बेनि गेजेरजौं खौरं बिलाइफोर लान्थिये रइज्योनि समाजारि, रजखान्थियारि आरो रंखांन्थियारि आसाम सोमावसारनाय समाव सेम्ससिफ आरो गुबुन गुबुन थांखि हनाय समावबो खौरं बिलाइआ गावआरि थांखि लानार्यनिफ़्राय जानगारव फेयार्येमोन होन्नानैबो गिबि मन्श्रिआ लोगोसे बुंदौं। दिनैनि बे हाबाफारिया गुवाहाटी मुलुग सोलौंसालिनि भाइस चेन्सेलर प्रफ़ेसार ननि गारुल महन्त, आसाम ट्रिबुन थुप आद फब्लिकेस्ननि बिथोनगिरि कबिता रजकवा, सुजुगिरि पि.जि. बरुवा, मावफुं नेहाथारि पि.जे. बरुवा आरो माखासे मान गोनां सुबुंफोर बाहागो लाफैदौं।□

## गुबुन गुबुन दोलोनिफ़्राय सा ३७१ बिबानगिरि–हेफाजाबगिरिफोर बिपिएफ दोलोयाव हाबफैदौं

ज' जानाया वबे खोलोबाव जाफुंसारदौं बेयो रोखा जायखै। मानोना मोननैबो ओन्सोत्सारि रजखान्थियारि दोलोफोर गाव–गावनि बिथाखौ गोखौं खालामनार्यनि बादायलायनायखौ नुनो मोननाय जादौं। दिनै हग्राप्मा महिलारी दैदेन्याय बिपिएफ दोलोनि बिथाखौ गोखौं खालामनार्यनि थांखिजौं कक्राझारआव मोनसे गिगिरि जगदान हाबाफारि खुंनाय जायो। बेनि लोम्बाजौं कक्राझारआव थानाय बिपिएफ दोलोनि मिरुनि गहाइ मावखुलियाव दिने सेन्थिये बे जगदान हाबाफारियाव गुबुन गुबुन दोलोनिफ़्राय फ



# सानि देअल आरो डिम्पल कपाड़ियानि एफायारनि सायाव गावसिनिनो क-स्टारआ फिनजाथाय हादों

क-स्टारसिन गेजेरव एफआइआर जानाय बाधाय जेबो गोदान बाध्या नडा। माखासे जुलि जाखानाय फावगिरिफोरबो गुबुन क-स्टारफोरजों एफायार जानायनि सावरायलायनाया जाबाय थायो। 90 जौथायाव सानि देअल आरो डिम्पल कपाड़ियाआबो गावसिन एफआइआरखौ लानानै सावरायजानाय जादोंमोन। सानि देअल आरो डिम्पल कपाड़ियाआ जयै मन्जिल, अर्जुन, आग का गला, नरसिम्हा आरो गुनाह बायदि सावथुनफोरव खामानि मावदोंमोन। अन-स्क्रिन जरानि थाखाय मुंदांखा जानाय सानि आरो डिम्पलआ गावसिन एफ-स्क्रिन के मिस्टरनि थाखायबो लाइमलाइटआव थायोमोन। अदेबानि



बिथांमोनहा माब्लाबाबो गावसिन एफआइआरखौ गनायाखैमोन नाथाय बावैसो सिगांआव बिथांमोननि क-स्टारआ सानैनि सोमोन्दोनि सायाव बुंफोरदों। गुनाह सावथुनआव सानि देअल आरो डिम्पल कपाड़ियामोनजों

खामानि मावखंबोनाय सुजाता मेहताआ बावैसो मोनसे इन्टारभिउआव बिथांमोननि सोमोन्दोखौ लानानै गोमोथावना फिनजाथाय हादों। बिथांनि बुंनाय बादिब्ला, सानि आरो डिम्पलआ गावसिन मोजं

मोन्नायनि सोमोन्दै राइज्योफोरजों बाध्या सावरायोमोन। सिद्धार्थ कन्ननजों लोगोसे बाध्या सावरायलायनायाव सुजाना मेहताआ बुडोदि, आं बिथांजों लोगोसे गुनाह सावथुन खालामदोंमोन। बिथांमोननि

केमेस्ट्रिआ जोबोद मोजंमोन आरो बिथांमोनहा सानैबो आंजों जोबोद क्लसमोन। बयबो सुबुंफोरा गावबा गावनि खामानि मावयोमोन। गुनाह सावथुननि सेटआव जेब्लानो जों शूट खालामनो थाडो, अब्लानो बिथांमोननि अन-स्क्रिन आरो अफ-स्क्रिन केमेस्ट्रिखौ नुनो मोनोमोन। सानैनिबो केमेस्ट्रिआ जोबोद मोजंमोन। सानि देअलआ 1984 माइथायाव पुजा मुनि आइजोजों जुलि जादोंमोन, जाय लाइमलाइटजों जानगारआव थायोमोन। बिथांना सानै गथ'फोर दड, जायनि मुंआनो जादों। करण आरो राजबिर। अदेबानि डिम्पल कपाड़िआबो 19973 माइथायाव सिनेमानि सुपरस्तर रजेश खानाजों जुलि जादोंमोन। नाथाय 1982 आव सानैजों गावसालायदोंमोन। डिम्पलआ सानै फिसाफोर दड, जायनि मुडनो जादों, टुर्विकल खाना आरो रिंक खाना।

## 'गट' सावथुननि 9थि साननि कालेक्शनआ सोराडव फैदों



खाथियाव दसै। शुकवारनि उनाव थलापति भिजयनि सावथुन 'ग्रेटेस्ट अफ अल टाइम' नि शनिबारनि अन्जिमायाबो सोराडव फैबाय। रिपर्टनि बायदिब्ला, शुकवारखालि तामिलआव गासै सावथुननि आरजिथाया 5.6 कौटि रंनि साखाथियाव दंमोन। अदेबानि शनिबारखालि 'गट' सावथुनआ सानसेआव 6.48 कौटि रं आरजिदों। तेलुगुआव सावथुनआ रिलिजनि 9थि सानाव 10 लाख रं आरो हिन्दी रावआव 36 लाख रंनि साखाथियाव थादों। गासिबो रावफोरखौ लानानै बे सावथुनआ नख'शरि बक्स अफिसआव 9 साननि गेजेरवो 184.94 कौटि रंनि नेट कालेक्शन खालामबाय आरो आथिखालाव 200 कौटि रंनि खाथियाव सौहैबाय।

बलिउडआव बे समाव 'स्त्रि 2' सावथुनआ जायगा आवग्रिनानै दड। बेबादिनो आथिखालाव साउथनि बक्स अफिसआवबो थलापति भिजयनि सावथुन 'गट' आ जायगा आवग्रिना दड। 2024 माइथायनि 5 सेप्टेम्बरआव सिनेमाहलफोरव रिलिज जानाय बे सावथुनखौ पेन इन्डियाआव

रिलिज खालामनाय जाबाय। थेंकेट प्रभुनि डायरेक्शनआव बानायजानाय साइन्ड फिक्शन एक्शन सावथुन 'गट' नि क्रेजि जानायखौ नुनानै मेकार्सफोरा बेखौ पेन इन्डियाआव रिलिज खालामबाय। अरिजिनेल राव आरो तामिलनि अनगायै भिजयनि सावथुनआ हिन्दी आरो तेलुगुआवबो रिलिज जादों।

जागायजेन्नाय सानाव बे सावथुनआ नख'शरि बक्स अफिसआव तामिल रावआव 39.15 कौटि रं, तेलुगु रावआव 3 कौटि रं आरो 1.85 कौटि रं आरजिदों। अदेबानि आथिखालाव 9 साननि गेजेरव सावथुनआ डमेस्टिक बक्स अफिसआव 200 कौटि रं आरजिनो थाखाय जोबोद

## 'लाभ एन्ड वार' सावथुननि रिलिज अक्टआ सोराडव फैबाय

सन्जय लिला भन्सालिनि फैनो गोनां सावथुन 'लाभ एन्ड वार' आ जेब्ला एनाउन्स जादोंमोन, बे समनिफ्रायनो सावथुनखौ लानानै सुबुंफोरनि एक्साइटमेन्टआ बायग्यासिनो दड। बे सावथुनाव रणबिर कापुर, आलिया भाट्ट आरो भिक्कि कौशलमोनखौ गिबि खेब जयै स्क्रिन शोयार खालामनाय नुनो मोनगोन। अदेबानि भिक्कि कौशलआ आलिया भाट्ट आरो रणभिर कापुरजोंबो खामानि मावखंबाया। बिथाड 'रजि'



सावथुन आलियाजों लोगोसे लिड रलआव नुजाथिखंबाया आरो 'सन्जु' सावथुनाव बिथाड रणबिरनि आंगो लोगो जादोंमोन। बवेखानि बिथांनि अन्सायगिरिफोर बिथांमोनखौ जयै मोनसे सावथुनावनो नुनो मोनगोन। बिथांनि अन्सायगिरिफोरा बिथांखौ पर्दायाव नायनो थाखाय एक्साइटड जादों। अदेबानि आथिखालाव सावथुननि रिलिज डेटआबो सोराडव फैबाय। सन्जय लिला भन्सालिनि डायरेक्शनआव बानायनाय

सावथुन 'लाभ एन्ड वार' खो सिनेमाहलफोरव नायनो थाखाय नायगिरिफोरा माखासे सम नेथबावनांगोन, मानोना सावथुनआ बे बोसोर आरो फेगोन बोसोरवबो रिलिज जानाय नडा। सावथुननि रिलिज डेटआ 2026 माइथायावसो थि जादों। सावथुननि क्रिटिक तरण आदर्शनि बादिब्ला, भन्सालिनि बे मस्ट आपडेट सावथुनआ 2026 माइथायनि 20 मार्च आव सिनेमाहलफोरव नुजाथिगोन। माखासे सान सिगांमोनसे खौण्ड सोराडव फैदोंमोन, जेराव बुंनाय

जादोंमोनदि, फावखुंगुआ नितेश तिवारिनि दिहुन्नाय 'रमायण' सावथुननि शूटिखौ 90 जौखोन्दो फोजोब्याय। 'रमायण' आव गावनि बाहागोन शूटिखौ फोजोबनायनि उनाव बिथाड 'लाभ एन्ड वार' नि फारसे आवगाय लागोन। आलिया आरो भिक्किआबो गाव-गावनि प्रजेक्टनि खामानिखौ फोजोबनानै भन्सालिनि सावथुननि थाखाय थियारि खालामगोन। लाभ एन्ड वारआ जाय सानाव रिलिज जानो नागिरिदों बे सानाव इदनि फोबों गोर्लेदों।

## शाहरुख खाननि 'किं' सावथुनआ 2026 माइथायनि इद फोबोंआव दिन्थिफुंजागोन

सावथुनफोरनि रिलिजनि थाखाय बिथोनगिरिफोरनि नोजेरा जेब्लाबो फोबोंफोरनि बन्द'फोराव थायो। इदनि फोबोंआव जेब्लाबो सलमान खाननि सावथुनआनो जायगा आवग्रियो। थानाय बोसोरनि इदआवबो सलमानआ गावनि सिकन्दर सावथुननि रिलिजखौ फोसावदोंमोन। नाथाय 2026 माइथायनि इदआव बिथांनि अनगायै शाहरुख खाननि सावथुनआसो नुजाथिगोन। शाहरुख खान आरो बिथांनि फिसाजो शूहाना खाननि सावथुन 'किं' आ 2026 माइथायनि इदनि फोबोंआव रिलिज जागोन। सावथुनजों लोब्बा थानाय सुर्लुनि बादिब्ला, बिथोनगिरि सिद्धार्थ आनान्द



आरो शाहरुख खान सानैबो बे सावथुननि उननिफ्राय इदआव शाहरुख खाननि मोनसेबो सावथुनआ रिलिज जायाखै। बेनि गेजेरजों सावथुनखौ थि समाव फोजोबनो थाखाय बेनि शूटिआ फेगौ बोसोरनि जानुवारीनिफ्राय जागायगोन। मुम्बाइयाव गिबि

शेडयुल शूटआ जागोन। बेनि उनाव सावथुननि स्टारकास्टआ उननि शेडयुलनि थाखाय इउरपआव दावबायगोन। सावथुननि बिथोनगिरिफोरा इउरपआव गोबां खेब थानानै जायगाखौ नायगिदिहैंदों। अदेबानि बिथांमोनहा एरैबायदि

जायगा नागिरिदों, जायखौ सावथुनाव नेफेरनाय जायाखै। सुजय घषनि डायरेक्शनआव बानायनाय सावथुन 'किं' आव शाहरुख आ गाहाइ बिफावआव थागोन। अभिषेक बच्चनआ भिलेननि फावआव थागोन। फेगौ बोसोरनि

आगस्ट आरो सेप्टेम्बर दानसिमाव सावथुननि शूटिखौ फोजोबना लानाय जागोन। माखासे एक्शन सिनफोरखौ रिप्ल लके शानाव आरो माखासे खौ स्टुडिआआव बानायनाय सेटआव लानाय जागोन।

## 'तुम्बाड़' सावथुनखौ फिन रिलिज खालामफिनबाय

सिनेमानि क्लासिक कल्ट सावथुनफोरव सानजानाय 'तुम्बाड़' सावथुनआ फिन खुनसेबाव सावरायनायाव फैदों। नैथि खेब रिलिजनि एनाउन्समेन्टनि उनावनो सावथुनखौ लानानै इगल जानानै दंमोन। सावथुननि एनाउन्समेन्ट भिडिआआ नायगिरिफोरनि गोसो सिडाव गिनाय



मेलेमआव जायगा बानायदोंमोन। सावथुनखौ लानानै नायगिरिफोरनि गेजेरव एक्साइटमेन्टआ दासिमबो खम जायाखै। बेनि जाहोनावनो सिनेमाहलफोरव सावथुनखौ फिनखेब दिन्थिनाय जादों। 13 सेप्टेम्बरआव तुम्बाड़ सावथुनखौ सिनेमाहलफोरव फिन रिलिज खालाम फिनबाय। बेनि गेजेरजों नायगिरिफोर आरोबाव मोनसे सारप्राइज मोन्दों आरो बे सारप्राइजआ बयनिबो मोखाडव खुसि लाबोदों। अदेबानि सिनेमाहलफोरव 'तुम्बाड़ 2' सावथुनखौ फोसावदों। गिदिर पर्दायाव मोनसे 'तुम्बाड़ 2' सावथुननि एनाउन्समेन्ट बिडिआ सालायनाय जादोंमोन। स्क्रिनआव 'तुम्बाड़ 2' जों लोगोसे लिरनाय दंमोनदि, थाबैने फेगसिनो दड। अदेबानि सावथुनआ माब्ला रिलिज जागोन बेनि सोमोन्दै जेबो आपडेटआ सोराडव फैबाय।

## कार्तिक आर्यानि 'भुल भुलैया 3' आरो अजय देभगाननि 'सिंघाम एगेन' सावथुनआ दिवालिआव सौगावलायनो हागौ

बक्स अफिसआव सौगावलायनाया फिल्ममेकारफोरनि थाखाय जेना गोनां जानो हागौ, मानोना बांसिन समआनो मोनसे सावथुनआ उडनार जानानै नुजाथियो, अदेबानि गुबुन मोनसेआ खहा जायो। नायगिरिफोरनि थाखाय बेयो जोबोद रंजाथाव सम मानोना बिथांमोनि आखायाव सायख'नो थाखाय अफान थायो। बे बोसोरनि दिवालिआव कार्तिक आर्यानि 'भुल भुलैया 3' आरो अजय देभगाननि 'सिंघाम एगेन' सावथुनआ सिनेमाहलफोरव नुजाथिगोन। माखासे सप्टाह सिगां खोनानो मोन्दोंदिमोनदि, 'सिंघाम एगेन' नि मेकार्सफोरा रिलिज अक्टखौ सोलायनो



हागौ। अदेबानि बेयो आथिखालाव रोखा जाबायदि रावबो टिमआ फासयनानै थानाय नडा। बेनि गेजेरजों धुषण कुमारआबो रोखा खालामदोंदि, बिथांनि सावथुनआ 1 अक्टआवनो रिलिज जागोन। सासे सशेल मिडिया इउजआरआ शेयार खालामदोंदि, आं आसा खालामो आरो लुबैयोदि रहित शेट्टिआ 'सिंघाम एगेन' सावथुनखौ जोबोद मोजाडे बानायदों। दिवालिआव कार्तिक आर्यानि सावथुन 'सिंघाम 3' सावथुनजों दासौगावलायथों। बेबादिनो मोनसेबाव डुइटाव लिरदोंदि, 'भुल भुलैया 3' आ बिजनेस आरो क्रेजिनि जाथायाव सिंघाम एगेनखौ फेजेनगोन।

जाखाहोदों। रहि अनिल बावैनि डायरेक्शनआव बानायजानाय 'तुम्बाड़' सावथुनआ नन-बिग स्टारफोरजों समाइनाय मोनसे सावथुन। बे सावथुनआव सहम शाह, रुद्रा सनि, महम्मद समद, ज्यति माल्शे, हर्ष के.केमरुन एन्डरसन आरो दिपक काम्लेआ गाहाइ फाव दिन्थिदों। 2018 माइथायाव रहि अनिलआ 'तुम्बाड़' सावथुनखौ लानानै फैदोंमोन। सावथुननि सल' आरो सिन्सफोरा एरैबायदि गोखोंमोनदि, बेयो नायगिरिफोरनि गोसो आरो खर'



## प्रधान मन्त्रि आवाज यजनायाव मोन्नाय न'आव फाख्रि बिफां होसिन्नायजों सासे सुबुंनि जिउ खहा

लखिमपुर, 14 सेप्टेम्बर: थानाय हराव हथेला बाजिदपुर गामियाव फाख्रि बिफां बायसिन्नायजों न' सिडाव उन्दुबाय थानाय सुबुंन होसिनजानानै जिउ गोमायो। जेसिबिन गेजेरजों बायखोन्दा थुखाफोरखौ बोखारना नै गोथे सहखौ बायजोआव दिहुन्नाय जायो। इन्स्पेक्टर इन्दजित सिंहआ फोरमायनाय बादिब्ला, हथेला बाजिदपुर गामियाव फांसे फाख्रि बिफां होसिन्नाय न'आ




बायग्रबनायजों सासे सुबुंनि जिउ गोमायो। बे जाथायनि खौरां मोन्नाय लोगो लोगो शंकरपुर पिकेटयाव थानाय

पुलिसआ हथेला गामियाव सौहैनाय मिबथिनो मोनोदि, हरनि 12:30 रिंगायाव 60 बोसोर बैसोनि बालकरामनि

न'आव फाख्रि बिफाडा गोग्लैसिनो। बे बिफां गोग्लैनायजों न'फोरा बायग्रबो, जायजों बालकरामआ होसिनजायो आरो थैयो। जेसिबिजों बायखोन्दा थुखाफोरजों बोखारना बालकरामखौ दिहुन्नायाव बालकरामखौ थैनाय थासारियाव मोनो। थैनायनि फिसाज्ला शमसेवकनि गेजेरजों थानायाव खौरां होयो। बेराफासै, गामियाफोरा फोरमायोदि, थैनाय सुबुंन न' सिडाव उन्दुगासिनो दड'मोन। बे समाव गोखों बारजों फाख्रि बिफाडा गिबि मन्त्रि प्रधान मन्त्रि आवास यजनायाव मोन्नाय न'नि सायाव गोग्लैसिनो जायजों बियो जिउ गोमानाडे।

गुवाहाटी, 14 सेप्टेम्बर: हाग्रा बोसोनगिरि समिति (एफएसि) आ हाग्रा सैरखाथि बिथोनमाखौ सिमफायनायनि बाश्रा गथायनानै आसामनि हाइलाकान्डि आरो गेलेकि सैरखाथि हाग्राफोराव मोनसे लुफुनाय बिथाखिफोरखौ गनायथि होनायखौ दोन्थ'यो एबा केन्सेल खालामो। समितिआ मिरुवारि आबहावा मावख'नि ओन्सोलारि मावख'नो दाय गोनां बिबानगिरिफोरनि हेंथायै नायबिजिरनो आरो सोलिबाय थानाय लुनाय खामानिखौ होबथानायनि बिथोन होयो। बे बिथाखिफोराव हाइलाकान्डिनि इनारलाइन रिजार्भ फरेस्टआव पुलिस बेटेलियनफोरखौ बानायनाय आरो गेलेकि रिजार्भ फरेस्टआव अएनजिसिनि गेजेरजों



संदानाय ड्रिलिआबो दंफायो। एफएसिआ आसामनि बारा' गाहाइ हाग्रा सैरखाथि बिबानगिरि एमके यादबनि हेंथायै नायबिजिरनांगीनि दाबि खालामदों, जेराव आइन बेरेखा डायभार्जननि गनायथि होयो। एफएसिआ 27 आगस्टआव

जालानाय जथुमआव हाइलाकान्डि आरो गेलेकि सैरखाथि हाग्रायाव एफएसिआ आसाम सरकारनो अएनजिसिनि सार्भ ड्रिलिनि थाखाय डायभार्ट हाग्रा हालामखौ बाइजोआव दोनो आरो मोनसे सोदानाय बिताखि

दिन्थिनयनि बिथोन होदों। समितिआ आबहावा मावख'नि ओन्सोलारि मावख'खौ आइन बेरेखा खामानियाव थाफानाय सुबुंफोरनि हेंथायै नायबिजिरनायखौ जागायनायनिबो बिथोन होदों।

## फ्रि आधार कार्ड आपडेटनि समायसिमाया जोब्बाय



अफिसियल वेबसाइटआव थानांगौ। बेयाव आधार नाम्बार आरो रेजिस्टर मबाइल नाम्बारनि गेजेरजों लगिन खालामनायनि उनाव मबाइलआव फेनाय अटिपखौ थिसननांगौ। बेनिफ्राय आधार आपडेटनि अप्सन फेगोन आरो बे अप्सनआव थुनानै गावनि प्रफाइलखौ चेक खालामगोन हागोन। बेवहायनो नोंथाड जाय डिटेल्सखौ एबा फोरमान बिलाइफोरखौ आपडेट खालामनो सान्दों बेखौ थिसनो हायो। मख'नो गोनान्दि, 14 सेप्टेम्बरनि उनाव अनलाइन आधार आपडेट खालामोब्ला नोंथाडा फिस होनांगोन। इआइडिएआइनि बायदिब्ला आधार कार्डनि आपडेट खालामनायाव 50 रॉ सार्च लागोन।

गोदान दिल्ली, 14 सेप्टेम्बर : आधार कार्डआ मोनसे गोनांथार फोरमान बिलाइ। सरकारि एबा सरकारि नडै गोबांथार खामानिफोराव आइडिपुफ महरै आधार कार्ड बाहायनाय जायो। बेनिखायनो आधार कार्डआव होनाय गासैबो खौरांफोरा नंगुबे आरो रोखा जानांगौ। अदेबानि मानिबा जाहोनाव गोरोन्थि जानानै फेनाय आधार कार्डनि थाखाय आधार कार्ड फोसावग्रा एजेन्सि

एबा इआइडिएआइआ फ्रि आधार कार्ड आपडेट खालामनायनि सुविधा लानानै फेदोंमोन। बेनि समाय सिमाखौ 14 सेप्टेम्बर 2024 सिम थि खालामना होनाय जादोंमोन। मख'जाथावदि, फ्रि आपडेटखौ अनलाइनआव खालामनो हागौ आरो बेनि थाखाय आपडेशन फिस होनांगौ। आधारखौ आपडेट खालामनो थाखाय गिबियावनो इआइडिएआइनि

## असामा बिन लादेननि फिसाज्ला हमजाआ बिदाजों लोगोसे आफगानिस्तानआव अल कायदानि बिबान सामलायगासिनो दड

गोदान दिल्ली, 14 सेप्टेम्बर : उतखारि आफाद अलकायदानि गाहाइ असामा बिन लादेनखौ बुथारखानायनि उनाव फिसाज्ला हमजा बिन लादेनआ गोखों उतखारि महरै उजिखांफिनबाय। संगालि खौरांनि बायदिब्ला, बियो सा 450 नोजोर लाखिग्रा हाथियार लाग्राफोरनि रैखाथियाव आफगानिस्तानाव गावनि बिदा एबा फेबाय आबुल्ला बिन लादेनजों लोगोसे स्त्रोद



थागासिनो दड। दा मिररआ संगालि एजेन्सिफोरनि गथाइनाय खौरांजों फोसावनाय गावनि रिपटआव फोरमायोदि, तालिबाननि हेंथायै सांन्थियारि जुथाइ 'नेशनल मबिलाइजेशन

टेर' मुडै मिबथिजाग्रा हमजाआ गावनि लाभ-लशकरजों लोगोसे थाखोमानानै दड। एनएमएफनि रिपटआ 2019 नि बै रिपटफोरनि हेंथा, जेराव आमेरिकानि उरां जाहाजजों गाग्लोबनायाव हमजाआ थैबाय होन्ना दाबि दैखांमोन। असामा बिन लादेन थैनायनि उनाव बुनाय जायोदि, उतखारि गाग्लोबनायफोरनि थियारि खालामगासिनो दड। सा आफगानिस्तानाव 'प्रिन्स अफ

आमेरिका आरो गुबुन सोनाबारि हादतफोरनि सायाव गाग्लोबनाय हमजानि अडिय आरो भिडिअया सोराडव फेनायनि उनाव बिखौ गावथारदोंमोन। नाथाय बै समाव बनि थैनाय जायगा आरो अकटआ रोखा जायाखैमोन। आमेरिकानि फारसेनिफ्राय उतखारि महरै फोसावजानाय हमजाखौ इरानाव नोजोराव लाखिनयनि बाश्रायाबो सोराडाव फेदोंमोन।

## सुनिता विलियाम्सआ अख्रामा-निफ्राय प्रेस कन्फ्रेन्स खालामदों

वाशिंगटन, 14 सेप्टेम्बर: सुनिता विलियाम्सआ अख्रामायाव थाबथाना थानाया माखासे दान बारलांबाय आरो बियो फेगौ बोसोरावसो बुहुमाव फेफिनगोन। बेनि गेजेरजों बिथाडा गावनि लोगो एस्ट्रनट बुच विल्मरजों लोगोसे गिबि खेब प्रेस कन्फ्रेन्स खालामदों। मिडियाजों सावरयनाय समाव बिथाडा माखासे सौनायफोरनि फिन्याय होदों आरो गावनि गोसोनि बाश्राखौनो बुंदों। सुनिताआ सावरयनाय समाव बुंदोंदि, आं बेयाव थाबथायाव आरो अडिबियाव माखासे दानसिम थानांगौआ जे'ना गोनांमोन। नाथाय आं स्पेसआव थानो जोबोद मोजां मोनो। बिथाडा बुडे, आं गावनि बिमाजों लोगोसे बेसेन गोसा समखौ



हगार हरनो लुबैयोमोन। नाथाय मोनसे मिशानावनो मोन्ने आलादा-आलादा यानआव थानानै गोजोन्नाय मोन्दों। जों टेस्टर आरो बेनो जौनि खामानि होन्ना बिथाडा बुडे। सुनिताआ बुंवावदोंदि, जों स्टरलाइनाखौ आबुं खालामनो हास्थायदोंमोन, नाथाय नोंथाडा पेजखौ सोलायनांगोन आरो उननि खाबुखौ नागिरनांगोन। बियो

बोसोरोसेसिम स्पेसआव थानो हागोन होन्ना मिजिं थियाखैमोन। नाथाय फेफिननायाव गोवाव जागोन होन्ना मिथिगौमोन। मानोना बेवायदि हावाफारियाव बेबादिनो जाखायो। फारसेथि, सुनितानि लोगो एस्ट्रनट बुच विल्मरआ दुखु मोन्नाय फोरमायोदोंदि, बियो गावनि दुइसिन फिसाजौनि हाइ स्कुलनि जोबथा बोसोरनि थाखाय

थाफानाय नॅलिया। बेजों लोगोसे बिथाडा बै सुबुंफोरनोबो साबायखर बाउहरदों, जायफोर बिनो हामलायथि बाउहरदों। सुलुनि बायदिब्ला, बिस्ोर सानैबो आथिखालाव नासानि स्पेस स्टेशननि सायाव नोजोर लाखिनानै गोदान नाजानायफोरनि सायाव खामानि मावगासिनो दड। बिस्ोर सानै एस्ट्रनटआ बेजों लोगोसे नोगोरि महरैमावनो गोनां हबानि सायावबो गोनांथि होनानै बुडेदि, बिस्ोर बे नभेम्बर दानाव जानो गोनां आमेरिकानि हादतगिरि बिसायख'थियाव भट होनो हाथ्यादों। बिस्ोरनुजाथिनो हथैनि भटलाइनिबो अरज गाबदों, जहाथे बिस्ोर अडिबिफ्रयनो भट होनो हायो।

## बांलादेशि उतखारिफोरा भारतनि हेंथायै बिष गोसार होदों

गोदान दिल्ली, 14 सेप्टेम्बर: शोख हासिना सरकारखौ बोखलायनायनि उनाव बांलादेशआव बाडाइ सुबुं सानखोफोरनि हेंथायै लान्थियै गाग्लोबगासिनो दड। माखासे दैदेनगिरि आरो उतखारिफोरा हिन्दु फोलेरनि सुबुंफोरखौ नोजोर होगासिनो दड। बेनि गेजेरजों भारतनि हेंथायै बिष सोमजिहोग्रा बांलादेशि सासे उतखारिनि भिडिअआ ससेल मिडियाआव भाइरेल जागासिनो दड। बे उतखारिनि मुडा जशिमुदिन रहमानी। बियो उतखारि आफाद अलकायदानि मददगिरि, जाय अन्सारुल्लाह टैमनि दैदेनगिरिबो। जशिमुदिन रहमानीखौ भिडिअआव वेबादि बुंनाय खोनानो मोन्दोंदि, गोदोना हास'गोन अब्लाबो



जम्मु-काश्मीरखौ उदां खालामगोन, सोनाब बंगखौ भारतनिफ्रय आलादा कालामगोन आरो कालिस्तानफोरखौ मदद खालामगोन। सुलुनि बादिब्ला, सिलिगुरि करिडरखौ भारतनि

चिकेन नेक बुनाय जायो। बेयो सा-सान्जा भारतखौ गुबुन बाहागोफोरजों सरजाबो। बेयो मोनसे राजखान्थियारि आरो रंखाथियारि गेट, जाय भारतनि सा-सान्जा रइज्योफोरखौ गुबुन

बाहागोफोरजों सरजाबो। बे करिडरआ 60 कि:मि: गोलाव आरो 20 कि:मि: गुवार। बे करिडरआ इद-गिद नेवाल आरो बांलादेशनि। जशिमुदिन रहमानीआ भिडिअनि गेजेरजों सोनाब बंगनि गिबि मन्त्रि ममता बेनाजौंखौ खावलायनानै बुंदोंदि, बियो गाहाइ मन्त्रि नरेन्द्र मदिनाव आलादा खुंथाय फोसावनो खावलायनानांगौ। बांलादेशआव इन्टेरिम सरकार दानायनि उनाव जशिमुदिन रहमानीआ जेलनिफ्राय बाइजोआव फेदों।

## मिरु सरकारआ बोथोरनि जाथायजों जुजिनो थाखाय मिशन लन्च खालामदों



गोदान दिल्ली, 14 सेप्टेम्बर: बोथोर सोलायनानि जाहोनावनो हादतआव माब्लाबा गोबां अखा हानायनि जाहोनाव दै बाना जायो आरो माब्लाबा माखासे ओन्सोलफोराव अखा हायेनि जाहोनाव रनसाव थासारि जायो। मिरु सरकारआ बिबिनो जोबथा मौसुमि बोसोरनि जाथायजों जुजिनो थाखाय मिशन बोथोर लन्च खालामदों। बेजों बोथोरनि

सोमोन्दै थि हमदानायजों लोगोसे अखा हाहोनाय आरो अखाखौ होबथानायनि एक्सपारटइजखौबो एडभान्स खालामनाय जागोन। मिशन बोथोरनि गेजेरजों हादतनि अखांआव मोस्बिब गावनाय आरो जोमै गावसानाय जाथायखौबो होबथानो हागोन। सरकारआ मिशन बोथोरनि गिबि खोलोबनि थाखाय 2,000 कौटि रं जगायना होदों। गिबि

खोलोबा 2026 माइथयनि मार्च दानसिम थागोन। बेनि गेजेरजों 70 रडार, हाइ पारफर्मेस कम्प्युटर, 10 विन्ड प्रफाइलर आरो 10 रेंडिमिटर लागयनाय जागोन। नैथि खोलोबाव नोजोर लानायनि गोहोखौ बायनो थाखाय सेटेलाइट आरो एयाक्राफ्टनि अनजिमाखौ बारयनाय जागोन। बुहुम बिज्ञान मावख'नि नेहाथारि एम रबिचन्द्रनआ मिबथिहोदोंदि, मिशननि गेजेरजों बिदुं बारयनायनि सोमोन्दै जोमैनि सायाव नायबिजिरनो थाखाय इन्डियान इन्स्टिटुट अफ मेट्रल'जिखौ पुणेआव क्लाउड चेम्बार गायसनाय जागोन। बिथाडा बुडेदि, जों लेबआव आर्टिफिसिएल महरै जोमै बानायगोन आरो बाहायगोन।

## पाकिस्ताननि सिन्ध राइज्योआव नख'रसेनिनो सा 13 सुबुंफोरखौ बुथारदों



कराचि, 14 सेप्टेम्बर : पाकिस्ताननि सिन्ध राइज्योआव सा 13 सुबुंफोरखौ बिष होनानै बुथारनायनि गिखंथाव जाथाया सोरांआव फेदों। बुनाय जादोंदि, हानि दावराव-जानायनि थाखाय नख'रसेनि सुबुंफोरनो गाइखेअवाव बिष गलायना लोंहोदों। बिष मोनलौनानै बे नख'रनि सा 13 सुबुंफोर जिउ गोमायो। पुलिसनि मिबथिहोनाय बायदिब्ला बे जाथाया 19 आगस्टखालि

केरपुरनि साखाथियाव थानाय हेबत खान ब्रहि गामियाव जादोंमोन। भुगिनांनाय सुबुंफोरखौ गुल बेग ब्रहि, बनि बिबि, साबा फिसाज्ला, साथाम फिसाजो आरो साथाम जाति-खुरमाफोर होन्ना मिथिनो हादों। पुलिसनि मिबथिहोनाय बायदिब्ला, भुहिनांनय नख'रनि जाति-खुरमाफोरा सन्देह' फोरमायोदोंदि, गुल बेगनि नख'रखौ सोरबा सुथुरआ बिष होनानै बुथारदों। मानोना बे नख'रनि गाहाइआ माखासे

## कंगआव खुंथाइ बोखलायनो नाजाग्राफोरखौ थैनायनि साजा होदों

किन्शासा, 14 सेप्टेम्बर : कंगनि सांन्थियारि बिजिरगिरिया खुंथाइ बोखलायनो नाजानायाव लोब्बा थानाय सा 3



सुबुंफोरजों हानि दावराव जादोंमोन। सक्कुरआव थानाय रासायनारि आन्जादसालियाव नायबिजिरनायनि गेजेरजों मिबथिनो मोन्दोंदि, जाय सानाव बे नख'रनि सुबुंफोर थैदों बै सानाव बिस्ोरनि गाइखर लौनायाव बिष गोनां मुवा दंमोन। मेडिकेल रिपटआव थैनाय सुबुंफोरनि देहायोव बिष गोनां मुवा मोन्नायखौ रोखा खालामदों। बे जाथायखौ लानानै पाकिस्तान पुलिसआबो सोमोनांदों। केरपुरनि एसएसपि डे' सामिउल्लाह सुमर'आ पुलिसआ बे केसखौ गोखोडे' नायबिजिरगासिनो होन्ना मिबथिहोदों। लोगोसेनो गुबै दायनिगिरिखौ साजा होनो एबा थार बिजिरनायनि बेंखनआव लाबोगोन होन्नाबो खोथा होयो।

आमेरिकानफोरजों लोगोसे सा 37 सुबुंफोरखौ शुकुबारखालि थैनायनि साजा खोनासंहोयो। बेर फारसे सा 14 सुबुंफोरखौ हगारना होनाय जादों। कंग सुबुं खान्थि गणराज्योआव थानाय मे दानाव बेरेखा दोलोनि सासे दैदेनगिरि क्रिश्चियन मलंगानि दैदेनयाव राष्ट्रपति भवन आरो राष्ट्रपति फेलिक्स त्सेसीकेदिनि खाथि सोमोन्दो थानायखौ नोजोर होनानै जाफुंसारनो हायै खुंथाइ बोखलायनो नाजानायाव सा 6 सुबुंफोर थैदोंमोन। हादतगिरि मावख'नि सायाव माखासे समनि थाखाय बेंखनना लादोंमोन। कंगनि सांन्थिफोरा गाग्लोबनायनि उनाव मलंगाखौ गुलि गावदोंमोन, जेराव बियो

थैयो। मलंगानि फिसाज्ला मार्सेल मलंगा, जाय आमेरिकानि नोगोरारि आरो सानै गुबुन उतखारिफोरखौ गाग्लोबनायाव दायनिगिरि हयो, जाय सानै गुबुन आमेरिकानफोरखौ साजा होदों, बिस्ोरनि गेजेराव टायलर थांप्सन जुनियर आरो बेन्जामिन रुबेन जालमन-पलुनआ दंफायो। अदेबानि टायलरआ मार्सेल लिन लोगो। पलुलआ क्रिश्चियन मलंगानि फालांगियारि हेफाजाबगिरि। बिस्ोर सा 3 खौ उतखारि आरो गुबुन दायनिगिरि हाबाफोराव दायनिगिरि मोन्दों। लाइभ टिथियाव खोनासंहोनाय थांखियाव बिस्ोरखौ थैनायनि साजा खोनासंहोयो।



## दुलीप ट्रफि 2024 आव प्रथम-तिलकनि जौस, इन्डिया एआ इनिंसखौ 380/3 आव फोसावदों

गोदान दिल्ली, 14 सेप्टेम्बर: दुलीप ट्रफि 2024 नि नैथि खोन्दोनि थामथि सानाव दिने मोनथाम जौसे रान बानायनाय जायो। भारत ए नि जानाने प्रथम सिंह आरो तिलक बर्माया जौसे रान बानायनाय जायो। गुबुन मोनसे मेचआव, भारत बिनि केप्टेन अभिमन्यु इस्वरनआ भारत सिनि बेरेखायै जौसे रान बानायदोंमोन। अनन्तपुरआव गेलेनाय मेचआव, भारत एआ थामथि सानाव 380/3 नि स्करजों गावसोरनि नैथि इनिंसखौ फोसावो आरो इन्डिया डिखौ देरहानो थाखाय 488 राननि थांखि होयो। साननि गेलेनायनि जोबनारथि, भारत डिआ 1 विकेट खोमानाने 62 रान बानायनाय होयो। रिक्की भुइआ 40 रान बानायो आरो यश दुबेआ 15 रान बानायो। भारत सिनि 525 राननि फिन्नायाव भारत बिआ गावसोरनि गिबि इनिंसआव 7 विकेटआव 309 रान बानायो। अभिमन्यु इस्वरनआ 143 रान बानायदोंमोन आरो वाशिंगटन सुन्दरआ 13 रान बानायो। भारत एआ थामथि सानाव सानजौफुनि जानयनि उनाव गावसोरनि नैथि इनिंसखौ फोसावो। बेटसमेन प्रथम सिंह आरो तिलक बर्माया हान्जानि थाखाय जौसे रान बानायो। प्रथमआ 189 बलाव



122 रान बानायनाय होयो। बिथाड 12 ब्रे आरो मोनसे 6 बुदोंमोन। बिसोरनि अनगायैबो तिलकआ 193 बलाव 111 रान बानायो। केप्टेन मयंक अग्रवालआ 8 ब्रे राननि मददजों 56 रान बानायनाय होयो। मयंक आरो प्रथमआ गिबि विकेटनि थाखाय 125 रान दाजाबदेरदोंमोन। शास्वत रावतआ विकेट खोमायालासे 64 रान बानायो। भारत डिनि जानाने सौरभ कुमारआ साने 2 विकेट लादोंमोन। बिनि सिगां, भारत ए नि बेरेखायै, भारत डिआ टस देरहादोंमोन आरो सिगां बलिं खालामनो थिरांथा लादोंमोन। भारत एआ गिबि इनिंसआव 290 रान बानायो। हान्जानि थाखाय शम्स मुलानी (89) आरो तनुष कटियान (53) आ 50 रान बानायदोंमोन। भारत डिनि जानाने हर्षित राणाया 4 विकेट लादोंमोन। बिद्वथ कवेरप्पा

आरो अशदीप सिंहआ 2-2 विकेट लायो। सारांश जैन आरो सौरभ कुमार 1-1 विकेट लानो हादोंमोन। 290 राननि फिन्नायाव भारत डिआ 183 रानआव अल आउट जायो। देवदत्त पडिक्कलआ हान्जानिफ्राय बयनिखुइ बांसिन 92 रान बानायदोंमोन। भारत ए नि जानाने खलील अहमद आरो आकिब खानआ 3-3 विकेट लादोंमोन। भारतारि हान्जानि स्टार बेटसमेन आरो इन्डिया डिनि केप्टेन श्रेयसखौ खलील आहमेदआ 0 नि स्कर आव पवेलियन दैथायहरदोंमोन। बिसोरो हेलमेट सिडवाव स'समा गान्नाने गेलेनो फेदोंमोन। बेनि उनाव, विकेटकिपर-बेटसमेन सन्नुआ 5 रानआव आउट जायो। बेबादिनो भारत एआ गिबि इनिंसनि बिथायाव 107 राननि सिगांनाय मोन्ने हादोंमोन।

## अभिनाशआ डायमन्ड लीग फाइनालाव गुथि जायगा आवग्रिनो हादों

### स्टिपलचेज 3000 मिटार खारनायाव 8:17:09 सेकेन्ड लादों

गोदान दिल्ली, 14 सेप्टेम्बर: अभिनाश साबलेआ डायमन्ड लीग 2024 नि स्टिपलचेज 3000 मिटर फाइनालाव गुथि जायगा आवग्रिनो हादों। दिने बिथाड ब्रसेल्सनि किं बौड'इन स्टेडियमाव बादायलायनायखौ फोजोबनो 8:17:09 सेकेन्ड लायो। केन्यानि आम'स सेरेमआ मरक्क'नि पेरिस अलिम्पिक चेम्पियन सौफियान एल बक्कालिखौ फेजेन्ना डायमन्ड लीग बिमु देरहानो हादोंमोन। बिथाड 8:06:90 सेकेन्ड लादोंमोन। मरक्क'नि सौफियान एल बक्कालिआ 8:08:60 नि समजों नैथि थाखोआव थानो हायो। सा 10 रेसारफोरि स्टिपलचेजनि बे फाइनालाव क्वालिफाइ जायो। बादायलायनाय जागायजेन्नायनिफ्रायनो, अभिनाशआ सा 10 रेसारफोरनि गाहायसिनाव दंमोन। बिथाड गेजेराव दैदेन्ने नाजादोंमोन नाथाय बेयाव जाफुंसार जानो हायाखेमोन। हायुआरि रेकर्ड लाखिग्रा अभिनाशआ गावनि रेसखौ गुथि जायगायाव फोजोबदोंमोन। केन्यानि आम'सआ बादायलायनायनि जोबथा 400 मिटारआव गावनि



आवगायनायखौ लाखिदोंमोन आरो एल बकलिखौ बारलादोंमोन। फाइनालाव केन्यानि आम'स सेरेमआ सैथि, मरक्क'नि सौफियान एल बक्कालिआ नैथि आरो

टुनिशियानि महम्मद अमिन झिनौइआ 8:09:68 सेकेन्डआव थामथि जायगा आवग्रिनो हायो। बावैसो खु'जानाय पेरिस अलिम्पिक 2024 आव, साबलेआ हौवाफोरनि 3000

मिटर स्टिपलचेज फाइनालाव 8:14.18 नि समजों 11थि मासि आवग्रिनो हादोंमोन। दिने बिथानि 30थि जोनोम सानमोन। अभिनाश साबलेनि हाबाफारनि उनाव, भारतआ डायमन्ड लीग

जेबलिन बादायलायनायाव निरज चप्राखौ मिजिं थिदों। बिथामोननि बादायलायनाया दिने हरनि 11.52 रिंगायाव जागायगोन। निरजआ बावैसो पेरिस अलिम्पिक आव 89.45 मिटार खुबैनाने रूपानि मेडेल देर हादोंमोन। बिथानि बादायगिरि पाकिस्ताननि एथलिट अरशद नदिमआ बे मेचआव थानाय नडा। बबेखानि, निरजखौ एन्डरसन पिटर्सआ फेरफाथिगोन। पिटर्सआ गोबां खेब 90 मिटारनि गोजौआव जेबलिन खुबैदोंमोन। फारसेथि निरज चप्राया गावनि केरियारआव दासिम 90 मिटारनि दागोखौ दानो हायाखै।

## एसियान चेम्पियन्स ट्रफिआव भारतआ पाकिस्तानखौ 2-1 जों फेजेन्दों

गोदान दिल्ली, 14 सेप्टेम्बर: एसियान हकि चेम्पियन्स ट्रफिआव सोलिफु चेम्पियन भारतआ दिने पाकिस्तानखौ 2-1 जों फेजेन्दो हायो। बादायलायनाया चीननि हुलुनबुइरनि मकि हकि ट्रेडिनि वेसआव गेलेनाय जादोंमोन। बे टुर्नान्तेआव बेयो भारतनि फारियै बाथि देरहानाय। केप्टेन हरमनप्रित सिंहआ भारतनि थाखाय मोनैबो गलखौ सोनो हादोंमोन। पाकिस्ताननि जानाने अहमद नदिमआ गल सोदोंमोन। भारतआ मोन 5 मेच देरहानाने पडिन्ट फारिलाइआव सैथि मासियाव दं। जेराव पाकिस्ताना मोन 5 मेचनि गेजेराव 2 खेब देरहाना नैथि थाखोआव दं। मोनैबो हान्जानि सिगांनिफ्रायनो सेमिफाइनलनि थाखाय क्वालिफाइ जाखाबाय। मेचनि समाव, गिबि क्वार्टरआव मोनै हान्जानि गेजेराव गोखों बादायलायनाय जायो। मेचनि गिबि गलखौ पाकिस्ताननि अहमद नदिमआ सैथि क्वार्टरनि 7थि मिनिटआव सोदोंमोन। बेवहाय शाहिनआ शट गेलेदोंमोन आरो बलखौ डिनि सिडवाव दोन्दोंमोन, जायखौ नदिमआ डिफ्लेक्ट खालामो आरो गल सोनो हायो। बेजों लोगोसे, पाकिस्ताना बे मेचआव 1-0 जों सिगालादोंमोन। बेनि उनाव 13 थि मिनिटाव भारतआ पेनाल्टि कनारखौ गलआव सोलायनाने समान-समान खालामो। हरमनप्रित सिंहआ



गल पस्टनि आगदा खनायाव ड्रैंग-फिलकजों गल सोनो हायो। नैथि क्वार्टरनि जागायजेन्नायाव (19थि मिनिट) भारतखौ केप्टेन हरमनप्रितआ सिगांहोयो। अधिषेकनि इन्जेक्टआव, हरमनप्रितआ गल पस्टनि

मिरुआव मोनसे शट लायो। बे थांखिया थिरांथायारि फोरमान जादोंमोन। एसियान चेम्पियन्स ट्रफिआव पाकिस्ताननि हेंथायै बेयो भारतनि 8थि देरहानाय। मोनैबो हान्जानि गेजेराव बेयो 12 थि मेचमोन। बे समाव पाकिस्ताना मोन 2 मेचल'

देरहादों। एखे समावनो, मोन 2 मेच डू'जाबाय। भारतजों लोगोसे चीन, करिया, जापान, मलेशिया आरो पाकिस्तानआ बादायलायनायाव बाहागो लागसिनो दं। बादायलायनायनि सेमिफाइनलखौ 16 आरो फाइनाला 17 सेप्टेम्बरआव गेलेनाय जागोन। एसियान चेम्पियन्स ट्रफिआ 13 बेसोर सिगां 2011 मायथाइयाव जागायजेन्दोंमोन। भारतारि हकि हान्जाना एसियान चेम्पियन्स ट्रफिनि सोलिफु चेम्पियन। भारतआ खेबबै देरहादों आरो पाकिस्ताना खेबथाम बिमु देरहादों। 2021 माइथायाव खोला क'रियाया बे बिमुखौ देरहादोंमोन।

## राहुल गान्धीनि सुबुंफोरा गाग्लोबदों होन्ना सासे खौरांगिरिया दाबि दैखादों

गोदान दिल्ली, 14 सेप्टेम्बर: राहुल गान्धीया आमेरिकायाव दावबायना हादतआव फेफिन्नायनि उनावबो बिथानि दावबायनायजों लोन्ना गोनां बाथ्राफोरा जोबनाने थाखेखै। सासे खौरांगिरिया दाय जाबसिन्दोंदि, जेक्ला बिथाड बांलादेशआव हिन्दुफोरनि सायाव गाग्लोबनायनि बागै लक सभायाव बेरेखा दैदेनगिरि सेम पित्रदानि बिबुंथिनि बागै इन्डिया अभासिज कंग्रेस (आइएस) नि आफादिगिरि सेम पित्रदानाव सोंथि खालामदोंमोन अब्ला राहुल गान्धीनि हान्जाना बिसोरजों बुलाय-सोलाय खालामदों। खौरांगिरि रहित शर्माया बुदोंदि, गावसोर पित्रदाजों जोबोद मोजों इन्टरभिउ लागसिनो दंमोन। नाथाय बिजेपिया कंग्रेस आरो राहुल गान्धीनि डलासआव सौहैनायनि सिगां सोंथि खालामदों अब्ला कंग्रेस दैदेनगिरिखौ हेफाजाब होग्राफोरनि हान्जाना बेनि फनखौ सेख'दों आरो मोनसे ख'थायाव लांना जोबना



दोनहैदों। लोगोसेनो इन्टरभिउ लानायखौ फोजोबनोबो बुदों। बे आयदानि सायाव जेक्ला सिएनएन-निउज18 आ कंग्रेसजों फोनांजाब खालामो अब्ला रावबो फिन्नाय होनो थियारि नडामोन। नाथाय बिजेपिया कंग्रेस आरो राहुल गान्धीनि सायाव बाथ्राजों गाग्लोबनायखौ जागायो। बिजेपिया राइबरेलिन एमपिनि सायाव गोब्राब दाय जाबसिनो आरो बुखेदि, बिबो नरेन्द्र मदि सरकारनि बायदियै संबिजरिआ

खैफोदआव गोमलैनायनि बाथ्रा बुजे। नाथाय गावनो सुबुंथिनि उदोसिखौ दबथायनो नाजायो। मख'जाथावदि, राहुल गान्धीया आमेरिकायाव दावबायनाय समाव मदि सरकारनि सायाव संबिजरिखौ खैफोदआव खोख्लैनाय आरो बेरेखा एबा गावसिनि हेंथा बाथ्रा बुंग्राफोरखौ सिरि थाहोनो थाखाय खुंथाइनि गोहो आरो एजेन्सिफोरखौ बाहायो होन्ना दाय जाबसिनो। बे बायदियै सोंखारिलायनायनि दोहौ

सोमजिखाडो। बिजेपि दैदेनगिरिफोरा गुबुन हादतआव राहुल गान्धीनि भारत बेरेखा बिबुंथि होनायनि थाखाय बिथान्खौ थांखियो। गागि बिजेपि दैदेनगिरि अमित मालबीयआ कंग्रेसनि सायाव उदाडे भारतनि हेंथायै खामानि मावनायनि दाय जाबसिनो। फारसेथि मिरुनि मन्थि रिजिजुआबो आमेरिकायाव थानाने जथुमा खालामनाय आरो बिबुंथि होनायखौ लानाने राहुल गान्धीखौ सोंखारियो।

## जम्मु-काश्मीरनि किशतवार जिल्लायाव उतखारिफोरजों गुलि गावग्लायना सानै जवान मुंख्लं जानाडो

किशतवार, 14 सेप्टेम्बर: जम्मु-काश्मीरब बिधान सभा बिसायख'थिखौ लानाने गाहाइ मन्थि नरेन्द्र मदिनि ददायाव सुबुं गौमा खुंनानयनि चन्दा सिगां शुकुरबारखालि मोनाबिलियाव किशतवारआव जानाय उतखारिफोरजों गुलि गावज्जलायनायाव सान्थिनि सानै जवानफोर मुंख्लं जायो आरो सानै जखम जायो। गुलि गावज्जलायनायनि उनाव खारखोमालांनो हानाय उतखारिफोरखौ नागिजनायनि थाखाय रैखाथि हान्जाफोरा सिग्रोमनाय हाबाफारि लायो। मख'जाथावदि, गुलि गावज्जलायनाय जाथाय जानायनिफ्राय ददायाव खुंनय गाहाइ मन्थिनि सुबुं गौमाया 20 किल'मिटर गोजानल' जायोमोन। फारसेथि गुलि गावज्जलायनाय जाथायनिफ्राय



15 किल'मिटर गोजानाव बिजेपिनिनो मोन्ने रेलि सोलिगसिनो दंमोन। दाबसे जायगायाव मिरुनि राइज्यो मन्थि उ जितेन्द्र सिंह आरो गुबुन मोनसेयाव राइज्यो सभानि

सोद्रेमा गुलाम आलि कतानाया जथुमायाव बिबुंथि लाखिगसिनो दंमोन। मख'नो गोनांदि, ददायाव गिबि खोलोबनि गेजेरजों 18 सेप्टेम्बरखालि भट सोनाय

जागोन। बेनि थाखाय थियारिफोरखौ गोखों खालामनायजों लोगोसे रैखाथि राहाफोरखौबो गोखों महैर थिसनाय जादों। उतखारि आरो रैखाथि हान्जानि गेजेराव गुलि

गावज्जलायनाय जाथाय किशतवार जिल्लानि हाजोयारि ओन्सोल सात्रुआव जादों। शनिबारखालि ददायाव गाहाइ मन्थि मदिनि सुबुं गौमा, बिजेपि दैदेनगिरिफोरनि रेलि आरो 18 अक्टबरनि बिसायख'थिखौ नोजोर होना रैखाथि हान्जाफोरा हाजोयारि ओन्सोलाव गोखों पेट्रलिं आरो डिउटि खालामगासिनो दंमोन। बे समावनो बेलासिनि 4 रिंगासो समाव सात्रुनि नायड गामियाव रैखाथि हान्जाफोरा पेट्रलिं खालामनाय समावनो मोनसे जायगायाव थाखोमानाने थानाय उतखारिफोर बिसोरखौ गुलि गावहरजेनो। रैखाथि हान्जायाबो फिनजाथाइ होयो आरो बेयावनो सात्रे जवानफोर गोब्राब जोखोम जायो। बिसोरखौ थाबैनो देहा फाहामसालियाव लांनय जादोंमोनबलाबो सानैया रंसारि जायो।

## इंराजफोरनि दोनलांनय पर्ट ब्लेयार मुंखौ सोलायनाने श्रि बिजयापुरम दोननाय जाबाय



गोदान दिल्ली, 14 सेप्टेम्बर: पर्ट ब्लेयारनि मुंखौ सोलायनाने श्रि बिजयापुरम दोननाय जाबाय। सिगाडव बेनि मुंखौ आर्चीबाल्ड ब्लेयार दोननाय जादोंमोन। बिथाड इस्ट इन्डिया कम्पनीनि दै सान्थिनि सासे बिबानगिरिमोन। 1789 आव बिथाड चागस द्विप हान्जा आरो आन्डामान द्विप हान्जाखौ साभे खालामदोंमोन। बेनि जाहोनाव बिथानि मुडैनो पर्ट ब्लेयार मुं दोननाय जादोंमोन। आर्चीबाल्ड ब्लेयारनि दिथा होनायाव पर्ट ब्लेयारखौ बानायनाय जादों। बे द्विपखौ ब्रिटिस मेरि टाइम नेटवार्टनि सेन्टर बानायनाय जादों। खुंथाइ आरो फालांगियारि हाबाफोरिफोर पर्ट ब्लेयारनिफ्राय नोजोर लाखिहरनाय जायोमोन। मोनसे समाव पर्ट ब्लेयारआ सहर फिशिनि हाबबो जादोंमोन। बे खुंथाइनि समाव आन्डामान निकबार द्विप हान्जानिफ्राय गोजान आरो गोथी ओन्सोलफोरखौ नोजोर लाखिहरनाय जायोमोन। सोनाब बंग'नि बोस्मियाव मिरु बानायनो थाखाय पर्ट ब्लेयारखौ दखल खालामना लानाया इंराजफोरनि थाखाय गोनांथारमोन। पर्ट ब्लेयारआवनो सेलुलार जेल दड, जेराव ब्रिटिस खुंथाइनि समाव इंराजफोरा हादतनि उदांछि सोमावसारनायनि सान्थिफोरखौ जोबथेनाने इनाय-अनागार खालामदोंमोन। बे जेलआवनो गोब्राबसिन एबा गिखंधाव साजाबो होनाय जायोमोन। जेलआ पर्ट ब्लेयार सहरआव

आटलान्ट पडिन्टआव दड। बे पर्टआवनो एसियानि बयनिखुइबो गोजामसिन आरो बयनिखुइबो देरसिन आर मिल दड, जायखौ सातम आर बुनाय जायो। मुं सोलायनायनि बागै मिरुनि मन्थि अमित शाहया बुदोंदि, श्रि बिजय पुरमनि मुडा जॉनि उदांछिनि दावहा आरो बेयाव आन्डामान-निकबरनि बिहोमाखौ दिन्थियो। शुकुरबारखालि सशोल मिडिया प्लेटफर्म एक्सआव पस्ट खालामनाने बिथाड बुदोंदि, हादतखौ गुलामि एबा बान्दा बेनायनि गासैबो नेसॉनफोरनिफ्राय उदां खालामनो गाहाइ मन्थि मदिनि थांखिजों थुलुंगा खानाने नख'र मावख'या पर्ट ब्लेयारनि मुंखौ श्रि बिजय पुरम खालामनायनि थांखि लायो। बे भारतीय द्विपआ जॉनि हादतनि उदांछि आरो जारिमिनआव मख'जाथाव जायगा आवग्रिनाने दड। चल साम्राज्योआव दै सान्थिनि मिरु महैर बिफाव लाबोनाय बे द्विपआ आधिखालाव हादतनि रैखाथि आरो जौगाखांनयखौ गोखोंसिन खालामनो थाखाय थियारि। बे द्विपआ नेताजी सुभाष चन्द्र बसनि दैदेननायाव बयनिखुइबो गिबिसिन फिर्फिला बिहोनायनिफ्राय लानाने सेलुलार जेलआव जोहोलाव साबर कर आरो गुबुन उदांछि सान्थिफोरनि भारत बिमानि उदांछिनि थाखाय थै थां बुजिनायनिबो मोनसे गोसोखांथाव जायगा।